



خطبة الباء عربی زاده سیدی

~~خطبة الباء عربی زاده~~
~~سیدی~~ نام کتاب بولغا
~~برنجی از زاده بود بر کتاب بود~~



(خلیلیه حق قدس سره)

(*) (بسم الله الرحمن الرحيم) (*)

اول نعت باری ایلایه لم	صکره مقصود نیسه سویلیه لم
کنهنه کرجه ایرشمز ادراک	نقدیر اولسه ده خرد دراک
یا لکزه عقل دکل کشف دخی	صغیر اول دائره ذاته اخي
اودر اول ذوالجلال والا کرام	بنده در کهیدر جله کرام
چون دیدی فاعلم انه اول شاه	سند دی لا اله الا الله
که محمد دن اولسه تعلیم	مس ایدردی بزی عذاب الیم
جهلدر شول عذاب روحانی	که قبول ایتمز اید روح آنی
مکر اوله اوروح روح خبیث	ایده جهل ایله کنیدی تلویث
یوری اوی شرع رسوله ای یار	تا نصیب اوله منزل اخیار
نظم قرآن ایچنده در معنی	نظمه معنی خوش کور یعنی
ایکبسننده یوری اوقی سبق	مصحفک آینه وش یوزینه بق
انده تنزیه و اردخی تشبیه	کرجه یوقدر جناب حقه شبیه

نعت کونی بتلیار آدم	ایده مزمر قسه وضع قدم
دیددی لبس کشله اوغنی	سمت تنزیه چکدی یعنی سنی
و یردی حکمن وجوب ذاتنک	صکره هم رتبه صفاتنک
که اودر جله بی سمع و بصیر	اشدوب کور مسنده بوق تقصیر
سار اوص فی دخی فهم اید کور	بو ایکی مسله که بردن کیده کور
ذوالجناحین اولدجه کشی	و چه مز مطلبه و بتمز ایشی
بو ایکی بردن اکلدکسه مراد	ایتمه هر کر بکا سوال ایراد
کلچیک سمت غییدن آواز	مرغ روح رسول ایدوب پرواز
آل و اسحابی قودی مرشد راه	ایتدیلر دعوتی بلا اکراه
صوندیلر بزم صفاده جامی	چکدی کیف رحیق انجمی
مشرک پاک ایسه کدورتدن	ایچمه کور جامی ید قدرندن
وار ایسه دلده ذره ایمانک	ایتمه انکار فیض عمانک
ایله ارباب قبولی تصدیق	اوله سن خلق ایچنده ناصدیق
ایره تحقیقه عاقبت تقلید	آچلور باب الده در چو کلید
نسأل الله تعالی بالذات	ان یمن باعظم الالذات
فله الحمد والصلوات علی	مصطفاه وآله الاعلی

بعد ذا بوسهام رازیانک مفرطس ونشانی و باب اللهک ادنای
کدایان وافقر درویشانی الشیخ اسمعیل حق الایدوسی ثم
البرسوی ثم الشامی ثم الاسکداری خلیفه الله من ان یقول هذا
دهری وهده داری بو وجهله نقشبند صحیفه بیان ونکارنده
خریطه تبیان اولور که یوندن اقدم اخ کبیرم خلیل چایی
علم حالده بر رساله جامعه املاسن القا ومطالع سیه ترجیه
اوقات اید جک بر اثر نافع تحریرین استعدا ایتد کده سرارادت

و جبین اختیار جیب مسامحه به چنگش زیرا مزرعه آمله
 او آنه قدر نیجه مختصرات و مطولات تخمی انگش ابدی کمی
 احکام و شرائع و کمی معارف و حکم و حقایقند که السنه
 مختلفه اوزره جاری و حکمی نظم و نثر املنه سار بدر مع هذا
 سن و سال دقایقه الرقاب اولان مابین الستین و السبعین داخل
 وار کان و جود متزلزل و اجزاء بنسأ هیکل و قوی متضائل
 اولدیفندن ماعدا مقاسات شدائد دهر دن عالم بمان و وزد
 زبانم صبح و مسا امان یا الله امان اولوب اشارت الهیه موجب
 برداردن برداره هجرت و بر مقامدن بر مقامه نهضتدن اوراق
 نظام پریشان و زمام امرم قبضه جبرده کشان بر کشان ایدی
 بالاخره دمشق الشامه بر موجب قضای مبرم مدت اقامتم
 تمام و تلویحات ارواح قدسیه ایله جانب اسکداره شد حزام
 ایتدیکمه مذکور برادرک حقیق الله آمله و جعل الی
 الخیر مثاله صورت طلبی آینه خاطره عکس ایلدی کورد مکه
 سن عمرم هفتادی گذر ایتکه قریب اولدی و آفتاب روح
 زواله میل ایدوب مغرب فضا به دخوله آرز قالدی (لحرره)
 آه کیم صولسه کرک برک وجود
 یاره دوشه کرک هر موجود

کسلوب فیضی بو باغ آخر
 قور یوب قالسه کرک چشمه جود
 بو معنایه بناد بطریق الاختصار وضع قلم اولندی و عباراتی
 ترکی اسهل و ابسر قلندی تا که تکلفدن بری و تعلیلدن هری
 اولوب مضبوطی دائره فهمه داخل و نفی عامه و خاصه به

شامل اوله و من الله الامداد منه المبدأ والمعاد (لحرره)
 چون دل نشنه بوله فیض الهیدن مدد
 طاشر رکندن چودر یا فطره اواز اکاسد
 فیض اقدسدر قلبدن دایما جاری اولان
 صورت سر از لدر عکس مرآت ابد
 منکه در بالچره بر ماهیسن ای دل غرق آب
 بانددر قلزم ذتکده اشبو جزر و مد
 فیض عشق و شوقه باغ درونه و برنما
 تا اوله هر کس کلب حاکم نمادن سر و قد
 آدم معنی در حق بو کون ایله سجود
 قلم زاهد عاشقه شیطان و شمرکز حسد
 ایمان * ایمان اصلنده صفت قلبیه اولان تصدیق در که لسان
 ترکیده اینانق ایله تبصیر اولنور پس اول برافاجک چکر دکی
 و یابدن کبیر که اصلدر اکا اسلام دیمک فروعی اعتبار یله در که
 اعمال صالحه در چونکه اصل بلا فروع و فروع دخی بلا اصل
 اولمز زیرا امور نسبه دندر ایمان دخی بلا اسلام و اسلام دخی
 بلا ایمان وجود بولمز اگر چه مذاهب اهل سنت بودر که ایمان
 مجرد جهنمه خلوده مانع و عذاب ابدی بی دافعدر مع هذا
 ایمان دیمک مؤمن بر شریعتیه تابع اولغله در بلکه اصول
 شریعه مخالفه بولنمیچق طاع باشلرنده و اطراف عالمده
 و زمان فترده و انلر یله وحدانیت حق معرفت لرندن فائده لنورل
 رجاندن بالاخره شفاعت بولورل و الحکم لله العلی الکبیر (لحرره)
 باقیه ارباب عقول افکارنه آراسته

بیان ایمان و حقایقه
 و فروع

کیمسه کبر من قول ایلہ واللہ حق اراسنہ
 حق تعالی کر عذاب ایدہ و یا عفو ایلہ
 هیچ ممکنی قارشمقی بر قارش اوراسنہ
 کفرله کیدن جهنمه مخلصدر اید
 کیمسه خط چکمر از ایدہ امرنک طغراسنہ
 بوندہ شاه اولور کدای معرفت دارانله
 اندہ ذره التفات اولمز جهان داراسنہ
 سنده یتیم یک حجابی حقباچکدک ایدہ
 ماسوانک باقمه غیری آغبله قاراسنہ
 و ایمانده الفاظ مختلفه وارد مشهور اولان آمنت باللہ کی
 الی آخره که اکا ایمان تفصیلی دیرل و بعضیلر ترکی لسانی اوزره
 دیدیلر که دیم ایلہ اقرار و قلم ایلہ اعتراف ایلدیمکه اللہ تعالی
 وارد بر در واجب الوجود در جمیع صفات کماله ایلہ موصوفدر
 ذاتنده و افعالنده و صفاتنده شریک و نظیری یوقدر و رسول
 اللہ صلی اللہ تعالی علیه وسلم جانب حقندن هر نه کتوردیسه
 اذعان و قبول ایتدم و یونی قلبی ایلہ تصدیق ایتدیکی کی
 صباحده و اخشامده لسانی ایلہ دخی تکرار ایلہ و بعضیلرک
 قوی اوزرینه دیمک کر کدر که آمنت باللہ علی مراد اللہ و آمنت
 بر رسول اللہ علی مراد رسول اللہ و بوترکب غیر یلردن اقوی
 کورینور زیر اللہ تعالی عقل ایلہ و خیالده بلنمز و رسول اللہ دخی
 بویله در بلکه کامل بشری بلمک حق بلمکدن اصعبدر زیر
 حقدہ تغزیه و خلقده تشبیه غالبدر پس لباس بشریت یورینن
 کیمسه نک حقیقتی نیجه معلوم اولور بناء علی هذاالره وانلرک

امر ایتدکری نسنه لک کنهنی و تفاصیلنی احاطه ممکن دکلدر
 همان ایوسی انلرک مراد لرینه حواله ایتدکدر نتکیم احادیث
 شریفه بی تصدیق ایدن کیمسه تعیین و تخصیص ایتیبوب
 رسول اللہدن نقدر احادیث صادر اولدیسه جمله سنه ایمان
 کتوردیم و قبول ایتدم دیملیدر زیرا اگر تعیین اوزرینه قبول
 ایتسه متواتر و مشهور اولدیغی صورتده بلکه موضوع اولوب
 اصلی صحیح اولمیان نسنه بی قبول ایتیمش اوله و اگر رد ایتسه
 صحیحی رد ایتیمش اوله بو صورتده آثم اولور نتکیم متواتری انکار
 ایدن اهل ضلال اولور و بونک نظری انبیا و سایر افراد امتک
 ایمان اوزرینه مویله حکمدر یعنی انبیانک ایمانله انتقاللری
 مقطوعدر غیرک دکل شوقدر وارد در که بعضی کامل ناس
 حسن خاتمہ ایلہ مبشر اولور و حققرنده سعادت ازلیه یازلدیغی
 الهام ایلہ ثبوت بو اور و ایمان فی الحقیقه بر در و زیاده و نقصان
 قبول ایتمز بر در دیدیکمز بودر که ایمانک تعددی متعلقاتی
 حسبیه در که مبدأ و معاد و بونلرک مشتمل اولدیغی تفصیلدر
 والا اصلنده ایمان بالکزن اللہ تعالی به در که جمله مؤمن به اولنلره
 ایمان انک تحتنده داخلدر زیرا بزم ایمانمز مراد حق اوزرینه
 اولیحق حقک ایتسه مرادی جمیع متعلقاته اجالا و تفصیلا
 ایماندر پس ایمان بالکزن بعض متعلقاته نعلق ایتسه فی نفس
 الامر ایمان اولماز مثلاً یهود و نصاری اللہ تعالی بر در دیدیلر
 ولکن بو اقرارلری مرد و داولدی شول جهتدنکه اللہ تعالی به
 ایمان کتورمک کلامنه دخی ایمانی مستلزمدر جمیع کتب منزله
 ایتسه کلامیدر جمیع انبیا و کتب و ملائکه و قیامت و قضا و قدر

وامثالهم ایمان الله امر ایدر پو یوز دن یهود و نصاری و امثالک
ایمانلری مقبول اولدی زیراکلام حتی انکار ایتدیلر و بوانکارک
ضمت الله تعالی بی وجیع انبیایی و کابیری و ملائکه بی
وامثالنی انکار ایتش اولدیلر پس اگر الله تعالی به کما ینفی
ایمان اولسه اورتادن مطلقا کفر مرتفع اولور و درست اولمحق
بعضه کفر کله کفری مقتضی اولوب بالکلیه ایمان قالماز
و خلقک بومعنای ادرا کدن عقللری قاصر اولغله انبیایه
وسائرله علی التفصیل ایمان کتورمک تصریح اولندی
و یونده سر وحدته اشارت وارد در که اهلنه مع او مدر مثلا
بر کیمسه پادشاهه مباحه ایتسه جمیع امر اسنه مباحه ایتلیدر
شویله که اگر برینی قبول ایتسه سلطان دخی قبول ایتمش
اوور یا امر ارا سنده فی الجمله ظلم واریکن قبول ایتک لازم
کلیجک انبیا و خلفائک که شانلری بالکلیه حد ایدر نیجه رد
اولنور و بعض انبیایه ایمان کتوروب ختم الانبیایی انکار ایتک
فرعی اقرار و اصلی انکار در که بی فائده در زیر رسول الله
صلی الله تعالی علیه وسلم عقل اول اولدیغی جهندن ایتداده
مخلوق قدر یعنی مرتبه علمدن عین خارجیده تجلی نوری و فیض
مقدس ایلله ابتدا ظهور ایدن مخلوق نور محمدیدر که کتاب اختراع
و ابداعک دیباجه سیدر سائر ارواح انلرک روح طیبه لر دن
مستفاد در نتکیم حدیثه کلور (انا من الله و المؤمنون من فیض
نوری) عین خارجیده مؤخر کلدکاری ختم و تکمیل باینددر
ظاهر بین اولنلر ایتسه ظاهر اناخره باقوب مقدم کلنلری
تقدملری جهته اندن افضل ظن ایتدیلر و شریعت موسایی

و عیسایی مؤید قیاس ایلدیلر یهود و نصاری کبی ایلدیلر که
تقدمده اعتبار روحانته در که جامعدر نتکیم سلطان اعظم
جمله دن مقدم ایکن الایده جمله دن مؤخر کلور زیرا اول کلن
الایلر انک الاینک صور جزیه سیدر و یوم حشرده دخی
یوسر عظیم صورت بولسه کر کدر نتکیم قرآن کریمده کلور
(هل ينظرون الا ان يأتيهم الله في ظلل من الغمام) یعنی سموات
سبعک ملائکه سی الای والای بر یوزینه نزول ایتد کد نصکره
احشام جلیل ایلله رب جیلک امری صورتی دخی نزول ایتسه
کر کدر اشته بومعنی سلطان سریدر که سلطان روحدر
و حق تعالی دخی (ونفخت فيه من روحي) پیوروب فیضدن
روحله تعبیر ایلدی و جبریلله دخی حامل علم اولدیغی جهندن
روح دیدی ارواح کلیه ایتسه تسویه اجسامدن چوق مدت
مقدمدر پس بوندن (ما الفضل الا للقدم) سری ظاهر
اولدی و یوقاریده ایمان زیاده و نقصان قبول ایتد دیدیکمز
بودر که کرچه اسان شریعتده ایمان مثقالی و ایمان دیناری
وارد در که ذره قدر ایمانی اولان جهنده ابدی قالماز و التون قدر
ایمان و تصدیق اولان اصلا ناره کیرمز و لکن فی الحقیقه ایمان
ذره قدر و التون قدر اولماز زیرا منجزی د کلدر جوهر فرد در
پس ذره قدر اولدیغی ا کا دال اولاعملک قلته کوره در
بو صورتده ا کا ایمان ناقص دیرلر زیرا شعبه لری نقصان
اوزرینه در مثلا بر مؤمن اوقاتدن بروقتده ذکر ایتسه که امر
باینددر و یا خود محظور ایدن بر محظورده زجر ایتسه که نهی
قیلند مدر انک دینده یقینی آزد یعنی ذکر اولنان عمل مرئیسی

کرچه دینده انک یقینته دلالت ایدر والا ذکر ایتمز و یا زجر
 ایلزدی و لکن دلالت ناقصه در که بطریق الجزیه در زیر
 بر کره ذکر ایتمک و یا بر کره زجر ایتمک ایله ایمان کامل اولماز
 و اگر ذکر کثیر ایله ذا کر و عمل یوزندن شعب ایمانی وافر اولایدی
 و هر در او محظور دن هم کندی اجتناب ایدیدی و هم غیر بی
 هر وجهله نهی ایتمکدن خالی اولوب نهی عن المنکر له قیام
 بولایدی بومعنائک ایمانه دلالتی دلالت کامله اولور دیکه بطریق
 الکلیه در انکیچون اهل الله حرف دال ایله اشارت اولور ل زیر
 سائر لدن حقه دلالتی اقوی در پس صورت اولی به ایمان ناقص
 مثقالی و صورت ثانی به ایمان کامل دیناری دیدیلر اهل الله
 ایمانی **ک**ی تنکیم ابو یزید بسطامی قدس سره حضرت تریخی
کورنلر ایمان اولنجه بونک ایمانی کی اولسه دیرلردی زیر
 لطف و قهرده حالی برابر ایدی و قلبه اصلا اضطراب کلبوب
 عبودیتده قصور ایتمزدی تنکیم نسیمی کلماتده (بیت)
 زاهدک بر پارمغن کسک دوزحقدن چار
 کور بو کر چک عاشقی سرو پا صو یارلر اکن
 محکیم **ک**ه علمای حلب نسیمی بی ملحد و زندیق در دیو
 قتلنه فتوی و پروب در یسین یوزد کلر نده در یسینی او موزنه
 الوب شهر دن طشره **ک**ندی و بز پوستی قور تاردق
 انلر نیلر لسه ایلسونلر دیدی (لحرره)
 اولدی چون انکار اهل شبهه سرفاسد طمر
 خنجر اغیار دن یار اوسانه قانلر طمر
 نفسنک قانی غضبدن قینابوب یاره قیان

آخرتده رحمت مولادن آینه اومار
 بعد ذایمان کاملی دینار له تمثیل واکانشیه اولدیغنک سری
 بودر که دینار سکه لی و کامل العیار اولان التونه دیرلر التون ایسه
 اجساد سبعة نک اعلا سیدر اجساد سبعة دن مراد اسر بدر که
 قور شوندر و حدید در که تیمور در و نحاس در **ک**ه باقر در
 و رصاص در که قلابدر و خار صبنیدر که توجدر و فضه در که
 کومشدر و ذهبدر که التوندر و التون جله دن قیمت و خاصیت
 یوزندن اعلا در زیر اوتوز النی بیک سنه ده حاصل اولور
 تنکیم کومش انک نصفی اولان اون سکر بیک ییلده وجود
 بولور انکیچون بونلر سائر لدن عز یزدر فغفوری و عود قیاری
 کییکه قرق ییلده درجه کماله ایریشور انسان کییکه انک دخی
 کمالی تدر یجیدر انکیچون کاملی زیاده عز یزدر طیراق چنفاق
 ایسه بر کونده حاصل اولمغه بر اجه به در قبل الوقت ادعاء کمال
 ایده نک حالی بوندن قیاس اولنه که محض غرور در و بعد
 الوقت دخی کمال انسانی و کمال الهی مستعد اولانه مخصوصدر
 تنکیم هر طیراق فغفوری اولماز کر کسه بیک ییل تربیه بولسون
 و هر قان مسک اولماز و هر طاش لعل صورتی بولماز و هر
 عورطه دن طاوس چیغمر و هر دکندن کل ایتمز چونکه کمالک
 قلبی صفا و خلوصده زر خالصه بکرز لاجرم التون اعدادندن
 اولور و التون سکه لی اولدیغی کی قلب کامل دخی اعتقادات
 حسنه و نیات فاضله و علوم جلیله و تجلیات الهیه نقش اولر
 نقش اولمش و قالی اعمال صالحه شعبه لیه پرزینت قلمشدر
 انکیچون کماله سلطان معنی دیرلر زیر کمال خلوصندن سکه سی

جاری و نهایت تأثیرند ن امر و امضای مملکت وجود که هر برینه
سازیدر امدی سعی ایله که ایمانک دینار قدر اوله و دیدیلر که
اصل سعادت ایماندر انکیچون ایمانسر هر کیم اولورسه اولسون
شعیدر فاما درجات عالیله کمال اعمال و قوت معرفته موقوفدر
یعنی عمل صالح نقدر زیاده اولسه چنده اوقدر درجات حاصل
اولور و علم بالله نقدر دریا کبی وسعت بواسطه عالم اکا کوره
مکاشفات و مشاهداتدن بهره بولور پس هر کیم علم و عملدن
قلیل ایله اکتفا ایدرمه بی همتدر و همنسر مرد دکل زندر
وزن مملکت وجوده پادشاه اولماز و بونده بولدیغی کمالی
بارن دخی بولماز انکیچون کافر آخرتده مخلد فی النار در زیر
دنیاده ایمانی بوقدر و نعمیدن بی نصیبدر اکل و شرب و لباس
و نکاح کبی زیر دنیاده مأمور اولدیغی اعمالدن عریاندر
و بوندن فهم اولندیکه جسمک حکمی باشقه و قلب و روحک
حالی دخی باشقه در یعنی هر بری ایچون کار مخصوص وارددر
بناء علی هذا مجموعنی جمع ایدن کامل و غیر بسی ناقص بلکه
لاشی در زیر داخل جنت اولدیغی صورته دخی پایه سی
پسدر بورادندر که چنده یوم جمعه ده مشاهده دیدار ایچون
مقام کثیبه دعوت واقع اولدقده هر کس دنیاده سعینه کوره
حرکت ایدر یعنی اکر دنیاده طاعت مساعت ابتدیه
اوراده دخی رؤیت مسارعت ایدر و نوردن و یا جوهر دن
کرسی و منبر اوزرنده او تورر والا حائسه کوره بر بولور
و مشاهده سی معرفتی قدر اولور بو خود معلومدر که
جمیع کالات ایمان و عمل و معرفت اوزرنده منبیدر

بوجهتدن دیمشدر که بر کیمسه نک سلوکی عمل صالح
و تقوی اوزرنده اولسه شیطانیدر و فی المثل (اغزیله
قوش طوتسه دخی ایشی هوادر و نفسا نیدر) (لحرره)
عاشق ایشک حضرت حقک اکر دیدارنه
آج کوزک سعی ایله هر کز قومه ایشک یارنه
وارا یکن پای ارادت طوره منزل آله کور
طاقتک وار چونکه بو بولده امانت یارنه
حقدر رایکی جهانده عاشقه مطلوب اولان
یاره یار اول باقده ایشو عالمک اغیارنه
آمدی بوی خدا بو باغده دکه مشام
آچلور غنچه سحرده بلبلاک یسدارنه
حقیا باب ادبده قوللق ایت شام و سحر
تا که دوش اوله کوزک بو عالمک خنکارنه
بعدذا ایمانده اقرار باللسان حقنده اختلاف ایلدیلر که جمهور
متکلمین وفقها و محدثین حقیقت ایماندن رکندر دیدیلر
شویله که اکر حال اختیارده کلمه ایمانی لسانه کنوروب شهادت
ایتمسه مؤمن اولماز و جمهور محققین دیدیلر که اقرار دنیاده
اجرای احکامه شرط لازمدر یعنی ایمانک حقیقتنده داخل
دکلدر بلکه خارجدر پس اقرار لسانی اولسه یننه و بین الله
مؤمن اولور اکر قلبی تصدیقه راسخ ایهسه اکر چه علامت
ایمان اولماغله حیاتهده اکا اقتدا اولماز و ممانده نمازی قلنز
و مقابر مسلمینه قونماز و عشر و زکوة و امثالی آلتز ریئس اهل
سنت اولان ابو منصور مازیدی بومذهبی اختیار ایتمشدر

و بومذهب ارباب حقایق مذهبیه موا فقدر و آتی تأیید ایدر
 حدیث صحیح وارد در تنکیم مسنده کلور (من مات وهو یعلم انه
 لا اله الا الله دخل الجنة) و تنزیله کلور (فاعلم انه لا اله الا الله)
 یعنی من مات وهو یشهد دیمدی و الا هر اظهار شهادت ایدن
 اعتقادی اولز سه دخی مؤمن اولق لازم کلور بوا یسه فرق
 ضاله دن مرجئه طائفه سنک مذهبیدر که غلاتی و مفرطلری
 اکا ذاهب اولشدر پس قلیده علم و معرفت و اعتقاد لازم
 کلدی بوخسه مجرد شهادت لسان کفایت ایتدی شو قدر
 وارد که اقرار باللسان ایمان آثم اولور زیرا لسان قلبک
 ترجانیدر و هر نسنه ظاهر و باطن و اجال و تفصیل اوزره
 دور ایدر تنکیم بر کیمسه رسول الله صلی الله تعالی علیه وسلمک
 اسم شریفلری محمد و خاتم الانبیا اولوب شریعتی باقیه اولدیغنی
 بیلسه ایمانی صحیح اولور و عین شهادتده پدرینک اسمی ندر
 دینلر و شهادتی مقبوله اولور و لکن پدرینک اسمی عبد الله
 وجدینک اسمی عبدالمطلب اولدیغن بیلسه آثم اولور کرچه
 حکام زمان مواد معظمه ده پدری و جدی اسملرندن دخی
 احتیاطا سؤال ایدرلر و لکن غرابت بونده در که ایمان و اسلامک
 بیلرنده فرق ندر دیو یو لفظله سؤال ایلرلر همان ایمان
 ندر و اسلام ندر دیو صور مق کر کدر زیراعوام ناس عرفی
 فرق ایتلر و بلکه خواص بیله نیجه امور شرعیه دن ذهول
 ایدور کرچه هر مؤمن اوزرینه واجبدر که علم حال اهلی اوله
 و امور ضروریه شرعیه بی بیله خصوصاً اصوله متعلق اولان
 اموره جهل عذر اولماز و مقلدک ایمانی صحیحدر دید کلری

فروعه کوره در پس اصول شرایعده و نفس تو حیدده نظر
 واستدلال لازمدر که ادنی الامر اوردن مؤثره انتقال ایتکدر که
 اکا برهان لمی دیرلر مثلاً بر منتهی اغاجی و یا بر سبل عظیمی
 کوروب سبحان الله دیسه تقلیددن قورتلور زیرا سبحان الله
 کلمه سنده حق تعالی بی وقدرتی اثبات و ذاتندن عجزی نفی
 ایتک وارد پس استدلال عرفی و میرانی اولق لازم کلدی
 زیرا او مقوله استدلالدن امیلر عاجز لدر زنجیلرلر و قوللر
 و جاریه لر و سایر عورتلر و امثالی کبی و هر مکلفه صلاة فرض
 اولدیغنی کبی قراءت دخی فرضدر و قراءت اولمان قرأندر
 بناء علی هذا هر مصلی قرأنی غلط او قوسه نماز قیلش اولماز
 و برقاری دخی انی بککش او قوسه ثواب قراءت بولماز بوجه تندن
 دیدیلر هر کسه لازمدر که اساتنی اصلاح ایلده و غلطی
 غالب اولان خواجه دن او قومیه تنکیم بو عصرده عورت
 خواجه لرنده چوق واقع اولور و ایمان براغاجه بکزر که انک
 شعبه لر ی چوقدر و ایمان اول شعبه لر سز ایمان کامل اولماز
 تنکیم اغاج دال و بودا قسز اولماز بلکه میت کبی اولور که
 یارم انساندر زیرابی روحدر و حی اولوب جاهل اولان دخی
 میت کبیدر که اصطلاح صوفیه ده اکا نصف صورت دیرلر
 یعنی انساندن صورت الهیه اوزرینه اولان اودر که کالات
 الهیه ایلله متحقق اوله و انک که قلبی قنیدر و انده فیض علم
 و شهود بو قدر انسان حیوانی در که حیوانات ایلله حشر
 اولور بوخسه انسان حقیقی دکل که حیوة طیبه اهلی ایلله حشر
 اوله تفکر ایلله که دنیاده امت داود و عیسادن علیهما السلام

بعضی بری بمسوخ اولدیله یعنی مایمون و خنزیر صورتیه کیردیله
آخرت خود عالم صفاتدر که هر کس اوراده صفت غالبه سی
اوزرنه محشور اولورلر پس اوراده مایمون و خنزیر اولانه بوراده
انسان دیمکدن نه اولور و هر طائفه به آخرتده اعتقادلرینه
کوره درلودرلو صورتلر ظهور ایتسه کرکدر سعی ایله که
اعتقادک بتون و ایمانک کامل اوله که حق تعالی سکا اکل وجوه
اوزرینه تجلی ایلیه تنکیم انبیایه وکل اولیایه اول وجهله
تجلی ایدر و بو مقام زیاده صرب یردر زیرا خلقت اکثری
سمتدن متحرکدر زیرا کماله طالب دکلدر و اهلنه مقارنت ایتزلر
چونکه غیرت اولیسه لاجرم بدن دخی سست اولوب عملدن
قالور و اول غیرت حق فهم ایتکدن و آناری مشاهده صحیحه
قلقتن کلور و آنک که حرام و شبهه دنجایی طاغیر قدر اولمش
و کثافتی حجریت رتبه سنی بولمشدر اکانه اغلق و حقه بافق
قبوسی بلکه آنک کاری کولمک و اوینامق و اعمی اولمغه سبب
اولان اعمال و احواله دائم تعرض ایلمکدر قال الله تعالی (ومن کان
فی هذه اعمی فهو فی الآخرة اعمی) یعنی معرفه الله مدن
و مشاهده دن دنیاده خالی اولنلر و محجوب بولنلر آخرتده دخی
اوله درز برا بو موطنده باطن اولان کمال انسانی البته موطن
عقباده ظاهر اولماز شول جهندنکه انسان اول کالی موطنده
تحصیل ایتکده تقصیر ایتشد و بو مقوله له اهل قفا دیرلر که
حق حضورنده یوزلری یوقدر سوال اولنورسه که طالبلرک
مطلوبی ایاقلرینه کلور دیرلر پس بو دنیاده طلبکار اولوب
نائل مرام اولیانک آخرتده مطلوبی نه وجهله ایاغنه کلور

جواب

جواب بودر که سوز طریقه یقینده بولمیه نه کوره در بو خسه
طریق اجتهادده بولنوب قبل الوصول وفات ایده نه بالاخره
مواطندن بر موطنده وصول مقرردر تنکیم بر کیمسه طریق حجه
وفات ایتسه حج ایتدیه دخی خانه سندن حج نینی ایله خروج
ایدوب خروجی حسبیه اوزرینه حج ثوابی باز یلور بلکه
حج اجله حشر اولور فاما خانه سنده اونوروب بر ایاق
طشره چیقماسه مجرد نینی ایله حاجی اولماز (لحرره)

نه طور رسن ادم آت	اشته زمانک کلدی
واراغی بوقلیغه صلات	وقت خزانک کلدی
اوقوکی آت ایلری	مزلدن قالمه کری
بو کلدی قدک چنبری	اله کما نک کلدی
اویخودن اویانمز سن	عشق اودینه یانمز سن
دنپادن اوصانمز سن	عمره زیانک کلدی
مرشده اویوب بور یسک	اولزدن اول ارایسک
ایشت بوسوزی ارایسک	حقدن بیانک کلدی
حق به طوت قولاغک	فرق ایله صول و صاغک
قبردر آخر طور اغک	چوقدن فرمانک کلدی

بعد ذلایماتک شعبه لرندن بری توبه در که معصیتدن حقه
رجوعدر تنکیم انابت طاعتدن حقه رجوعدر زیر اهر طاعت
اهلی اهل حق اولماز انکی چون اهل آخرته دنیا حرام
اولدیغی کی اهل الله دنیا و آخرتک مجموعی حرامدر یعنی
طالب حق اولنلر دارینه تعلقتن ممنوعلر در زیرا دارین
مخلوقدر و مخلوق کندی کی مخلوقه تعلق ایتکدن بر نسته

حاصل اولی از بلکه خالق تعلق این بود که امرینه امتثال
و نهیندن اجتناب و محبتنه ارتباط در و بوندن فهم اولندیکه
محب حق اولان امرینه دخی محب اولور والا شق طائفه سنه
الحاق اولور و امرینه اطاعت اینتکدن جتنه تعلق لازم کلز
بلکه نعیم جنت عبادت بدینه مقابله سنه در بوندن ایسه
قلب الله تعالی دن منفصل اولق لازم کلز و یوم مقام دندر که
انبیا علیهم السلام (ان اجرى الاعلى الله) دیدیلر مع هذا
انلر اجر دکلر در بلکه ما سوادن حر و حقه عبد اولمشلر در
عبد ایسه افندیسنه اجرت ایله خدمت اینلر بوسیدن
علماء دین دیدیلر که کشتی ایمان و طاعتك فی نفس الامر
مستحسن اولدیغن ییلوب مؤمن و مطیع اولق کرکدر والا
جنت رجاستدن و جهنم خوفندن مؤمن و مطیع اولان کمسه نك
ایمان و اطاعتنه اعتبار یو قدر زرا غرض نفسانی بی مبنی
اولور حق تعالی ایسه جنت و جهنمی خلق اینتسه دخی
معبود بالحق اولدیغی جهندن عبادته مستحقدر بویوزدن
غرضله عبادت ایدن ظالم اولمش اولور و بومقام مرالق
اقدام دندر که چوق ایاقلره بورا ده زلل واقع اولور (سؤال
اولور سه که قرآن وحید شده جتنه مسارعت ایدیکز دیو
نصوص وار در پس جنتی طلب اینتمک مکابره ربویتدر
(جواب بودر که جنتك مطلوبه اولدیغی اعماله مسارعتنه
دائر در یعنی چونکه انسان بدن و روح دن مرکبدر که بدن عمل
و روح معرفت اینچوندر انکیچون هر مقامك حکمی و برملک
کرکدر و عملاک ثوابی جنت و معرفتک مالی مشاهده در نظر

ایله که انبیا و اولیا دنیاده اکل و شرب و نکاح اهلیدر مع هذا
مقصود بالذات اولان حقدر و ذکر اولنان امور حقه و سبیل در
زیرا اکل و شرب غدایه دائر اولمقله قیوم اسمنه دائر در و نکاح
تناسلی مستلزم اولمقله سرسلسله کائناته ناظر در و بوندن
غیری دخی نکتته سی وار در و جنت دنیاده قلبدر که قلب
کاملدر پس قلب اولسه مکاشفات نه ایله اولور تنکیم جنت
اولسه مشاهدات نوجهله حصوله کلور بوجهندن اکوانده
برسنه یوقدر که وسیله حق اولیه مثلا علما علیه بولدیغی
معنایی اکجی اکنی ایله بولور و لکن طریق معرفت نه ایدیکن
یلبان های مدد عمر بمن صبان قواینده ضایع اولدی دیرا کر
ضایع اولسه ابوالبشر آدم علیه السلامك دخی امکی ضایع
اولور دیکه اکن اکشدر چونکه سنده آدم اولاندن سن
یدرک بولدیغی معنایی سنده بوله کور تنکیم رسول الله صلی الله
تعالی علیه وسلم غزایه مشغول اولوب (بعثت بالسيف)
بیوردیلر مع هذا انده اتلاف نفوس واردر و لکن بومعنی
فی الحقیقه مدد و حذر زیر اسبغله محاربه کفاری دفع ایدر و اهل
و اولاد و اموالک نجات و خلاصنه سبب اولور و اهل ایمانك
قلوبی اضطر ایدن قورتلوب صفاء خاطر ایله عبادته اشتغال
کوستر لر و نفسلریله مجاهده ایدر لر که جهاد اکبردر زیرا
لاجل المصلحه اهلاک نفوس جائز اولیحق مع هذا انسان
بناء حقدر قتل قوای نفسانیه دخی جائز بلکه واجب اولور
زیرا اعدایی مملکت وجوددن اخراج اینتیلدر تا که نظام انفس
و افاق بولنه و اعدایه ضد مثل دیرلر زیرا انسانك جملیه سی

برجندن و نفس واحده دن مخلوق ایکن عناصر و طبایع دن
حاصل اولان اخلاق رذیله و اوصاف دینه حسبیه بری برینه
ضد اولور لر بوراندنر که اصلاح ذات البین ایتمک لازمد
فاما مرض جنام مقوله سی اولغله قطعدن غیری علاج
اولدینی کی اهل کفر و اهل فساد و غالی قتلدن غیری چاره
یوقدر نتکیم سلطان سلیم اولک برادری سلطان قورقود
قورقدیغنه اوغرایوب قتل اولدقدده سلطان سلیم دخی
برادرم ایله ملکتی اولشدک یرک التی اکا و او سنی بن الدم دیدی
نتکیم حد یتده کلور (اذا بو یع الخلیفتان فاقتلوا الآخر) یعنی
مقدما خلیفه پادشاه نصب اولمش اولسه صکره نزاع
سلطنت ایدنی قتل ایتمک مشروعدر زیرا باعث اختلال
عالمدر برینه صدده کله لم لسان ناسده مشهوردر که فلان
کیمسه فلان شیخ النده توبه قیلدی و انابت ایلدی دیرلر
بولفظک بحسب الغالب معناسی یوقدر بلکه اطلاق مجروددر
زیرا توبه معصیتدن رجوعدر نائب اولدی دیدکاری
شخصده ایسه رجوع مذکور یوقدر بلکه اولکی حالی
اوزینه مصدردر پس توبه اولمیچق انابت معناسی هیچ اولمز
شول معنادنکه انابت توبه یه موقوفدر و برکشی اول اهل آخرت
اولدقده اهل اللهدن اولماز و برسالک مرید اولدقده شیخ
اولمز و شیخ اودر که جمیع اطوارده حل مشکل ایتمک قادر
اوله شمدی احکام شریعت بیلانلر و احوال رذیله نفسانیه دن
خبردار اولیانلر دعوائیه دوشدیلر و کفر و ایمانی خیالات
غالبه لر یله بری برینه قارشدر دیلر و بعضی علما دیدیلر که

برکیمسه کاهک بعضیتدن توبه ایدوب و بعضیتدن ایقوسه
اکا تارک دیرلر نائب دیمزلر زیرا توبه هر درلو معصیتدن
رجوعدر و بعضیلر صحیحدر دیدیلر و لیکن نائب اولدینی
صورته منیب اولماز بورادن هر نائبیه اهل انابت اطلاق
اولمندی بلکه اهل انابت بالکلیه حقیه رجوع ایلیاندر نتکیم
مرور ایتدی و توبه ده اوج اعتبار وارد بری معاصیدن
رجوعدر معصیت اودر که شارع مخالف ایدوب یا واجب
اولان نسنه بی ترک ایلیه و یا خود محرم اولان نسنه بی اشلیه
کک صغائر اولسون کک کبائر اولسون اشته بو معنی بشرک
و جنک شانیدر زیرا بونلرک عناصری مخالفت اقتضا ایدر
و بو منازعه طبیعیه اوچندندر که شرع نزول ایتمشدر تا که
نفسک و عقلاک و شرعک سرایتی متمیزه اوله و عقل معادی
اولان شرع یوزنه طوته شوقدر واردر که انبیا علیهم السلام
معصوملردر و عصمت امتناع بالغیر دیمکدر انکیچون جانب
حقدن عصمت اولیوب هر کس کندی نفسیه و طبیعیه تخلیه
اولسه عصیان شانیدندر و اوایا محفوظلردر و عصمت ایله
حفظک اراستده فرق بودر صکه عصمتده ظاهر و باطن
محفوظدر حفظ ایسه بالکمز جوارحه کوره در زیر کاه اولور که
ولینک بعضی خواطر ردیه سی اولور و لیکن اعضا و جوارحی
مرتبه سنه چقمز و مقتضاسی ایله عملدن محفوظ اولور و اول
خاطره قلبدن سانبوب کیدر نتکیم قرأنده کلور (ان الذین
اتقوا اذا مسهم طائف من الشیطان تذکروا فاذا هم مبصرون)
و ملک نوردن مطبوع اولغله انده مخالفت اولماز نتکیم قرأنده

کلور (لا یعصون الله ما امرهم ویفعلون ما یأمرون)
 بورادند که بر کیمسه هاروت وماروت ملکری ایچون
 بر یوزنه ایند کده عاصی اولدیله دیسه نص تنزیلی رد وانکارله
 کافر اولور پس بعض تفاسیرده نحر بر اولنان مخالفانه موافقت
 اولنجه سؤال اولنورسه که ابن عباس رضی الله تعالی عنهما دن
 مرویدر که ملائکه دن بر طائفه آدم علیه السلامه سجده دن
 امتناع ایتکله الله تعالی انلری احراق بالنار ایتشد بر بصورتده
 ملکدن صدور عصیان لازم کلور جواب بودر که بوراده
 ملائکه دن مراد عبادتده ملائکه صورتده اولان طائفه
 چندر یعنی جنی به ملک دینلدیکی عبادتده انک نظیری
 اولغله در تنکیم قرأند کلور (یا اخت هرون) مع هذا نسیده
 حضرت مریم حضرت هارونک همشیره سی دکلدر
 و بواعتباردندر که قرأند الا ابلیس ده اولان استثناء منقطع
 اولمشدر و كذلك ملک اکا دیرلر که امر الهی ایله برکارده
 استخدام اولنه ابلیس وامشالی ایسه استخدام اولمشدر
 وجنه ملائکه دینلدیکی کبی ملائکه به جن اطلاق اولمشدر
 شول معنادنکه کوزلر دن کیرلیردر وجنه ملائکه دیمکدن
 جنی فی الحقیقه ملک اولاق لازم کلدیکی کبی ملائکه به دخی
 جن اطلاقدن فی نفس الامر ملک جنی اولماز تنکیم رجل
 شجاعه شجاعتدن اوتوری اسد دیرلر مع هذا بری برلرینه
 مخالف حقیقتلردر و خوب روی اولانه ملک و پری دید کلری
 دخی بویه در و توبه ده براعتباردخی تلویندر یعنی تلویندن
 دخی رجوع ایتلیر که تمکین واستقامتدن مقدم اولان احوال

مختلفه ایله احتیاجدیر پس کرکدر که ابتدا طریق استقامتدن
 تفتیش اید و تعیین مطلب ایلیه واسبابنه مباشرت قیله
 و مطالوبه وصوله دک اورتاده اولان انقلاباتدن صافنه و قلبی
 پرده لیک کارده بولنجه الحاصل دخی و سافل اولان حاللردن
 و مقاملردن شریف و عالی اولان حالله و مقاملره ترقی ایلیه
 و کول قازی کبی بتاقده قالمه بلکه شاهین و هما کبی حضیضدن
 اوچه پرواز ایدیه پس سالتک یولده اولدجه و منزل و صله
 ایشمد کجه تلوین اهللی اولور تنکیم بونس امره کلماتده کلور (یت)
 قانی ارملر کچد یلر دنیایی قویوب کوچدیله
 هوایه آغوب اوچدیله بونلر هماد در فاز دکل
 و توبه ده براعتباردخی اویه در که حقه رجوع دائمدن و انبیا
 و کل اولسالتک توبه لری بو قیلدندر تنکیم قرأند کلور
 (والذین هم فی صلاتهم دائمون) و حدیثده کلور (لا یقوم
 الساعة حتی لا یقال فی الارض الله) یعنی دنیاده ذکر متصل
 اهللی بولندجه قیامت قویماز برار روح عالمدر و بدنده روح
 اولدجه عالم دخی باقیدر بدن قائم اولدیغی کبی عالمده انسان
 کامل اولدجه عالم دخی باقیدر و انک آخری حضرت محمد
 مهیدیر رضی الله تعالی عنه و انک ولادتق اواسط فاده و قیامی
 فاقد نصکره در سؤال اولنورسه که دوام اوزرنه اتصال
 واستغراق ممکن اولورمی جواب بودر که اولورز براسر انسان
 سر حقه متصل و انوار عالیله به ملتی اولدجه حجابدن
 بالکلبه خلاص بولور و باز ایامنده کونش کبی بر توانماز
 اولور که انده اصلا سحاب بو قدر و بوندن فهم اولنور که

ناقص او انلرك حاللری قبش ایا منده اولان آفتابه
 بکزر که گاه آجیلور و گاه قیانا نور (لحرره)
 الهی دیده جان و دلم حیرانک اولمشدر
 صاچوب دردانه اشکی سنک کریانک اولمشدر
 یقلمشدر وجودم قصری شول دکلوا ساسندن
 آچلمشدر چو صحرایش جهت میدانک اولمشدر
 حریم کلشن قربکده بو دل عنایب آسا
 دلوب بغربن چونی صبح و مسانالانک اولمشدر
 کمال احتیاجدن سحر دیوانه چقه بدقه
 بنم بر عرضم اوزره صد احسانک اولمشدر
 بودردک حکمتن فهم ایلان اهل و دل و دانش
 علاج جسم و جان عاشقه لقمانک اولمشدر
 قویانسون کل اولنجه آتش عشق ایچره حتی قول
 ازلدن چون اگا بو وجهله فرمانک اولمشدر
 بعد ذا کرچه قرآنده توبه مطلق ذکر اولنوب عدد تعبیه
 اولنماشدر فاما حدیث شریفده بهر یوم یوزر کره اولنی
 نصریعی واردر سری عدد اسماء حسنا به داتردر زیر سالک
 هر براسمک یوزندن نور الهی به محتاجدر که ظلمت نفسی
 و کثافت طبعی بی ستر ایلده اکر دخی زیاده ایدرسه نوری
 اولقدر زیاده اولور و ظلمتی منقضیه اولور و استغفارده
 اصل اولان ذنب و جودینی ستر در فافهم جدا (وانسانک
 عصیانندن زشت صورتلر حاصل اوور طاعتدن خوب
 صورتلر حاصل اولدیغی کی پس استغفارله یا عن اصل اتی

عفو و ازاله لازمدر و یاغفر و ستر کر کدر که تبدیل بایندندر
 تکیم قرآنده کلور (فاوائک بیدل الله سبئاتهم حسنات) ولکن
 عفو اهلی چوق و تبدیل اهلی آزددر زیرا هر کسک طاشنی
 جوهر و زانی زروخانی کل ایتمزل فاعرف و توبه ایله استغفاری
 بریر جمع ایلوب (استغفرک اللهم و اتوب الیک) دینلیدر و بعض
 کار یورمشدر (تبت الیک یارب من کل شیء لایرضیک) دبه
 بو صورتده قول و فعل و اعتقاد و نیتی تصریح حاجت قالمز
 زیرا الله تعالی بی خوشنود ایمان امورک ظاهر و باطنی انده
 داخلدر و توبه نک تمامی استیصال حقوق ورد مظالم ایله در
 وشول کیمسه که اوزرنده حق عیدله وفات ایدر آنک روحی
 محبوسدر اول حق ادا اولنجه و جسته دخولله اراسنده حجاب
 اولور و بوندن فهم اولنور که حق الله حق عیدله کوره
 آساندر زیرا الله تعالی غنی مطلقدر که قولنی کندنی حقیچون
 دیلرسه عفو ایدر و دیلرسه تعذیب ایلر فاما حق عیدله
 صاحبی مخصوصه ایدر کن جبرائیل حکیمه مخالفدر و دیدیلر که
 مؤمنک حقندن کافرک و حیوانک حق اشددر زیرا بونلر
 اهل ثواب دکلدر که خصمنک ثوابی اخذ ایده و جسته
 متهم اوله پس عذابی مضاعف اولمقدن غیری چاره قالماز
 مکرکیم غیری و جهله عنایت باری اوله که هر کس
 اورایی فهم ایده مز قال الله تعالی (ان الله یحب التوابین)
 (لحرره)

ای غافل انسان آج کوزک کل توبه به کل توبه به
 درگاه حق طوت بوزک کل توبه به کل توبه به

کل مسجد و پنجاه دن
تا آخر ایامک یانه دن
طولدی اجل پناه سی
ای دنیامک دیوانه سی
یک یک نگاه ابتدایک بتر
عصیان حق بدن نه بتر
عاقل اولان خلقی بندر
حق سنی دعوت ایدر

(اتهی)

ایمانک بر شعبه سی دخی نظافت و طهارتدر یعنی پاککدر
حتی حدیثه کلور که (بنی الدین علی النظافة) یعنی اسلام
نظیفدر و جنبه ظاهر و باطنی نظیف اولان آدم داخل اولور
و سخناک اولان کیر من پس ناسک و عابدک طریق اولدر که
نظیف اوله و بر کیمسه طعام قانی و غیری بی غسل اینسه
او اوکنی سپوروب پاک طو تسه فقردن خلاص اوله و غنایی تام
بوله و انسانک قانی ظاهرده وجودیدر وانی پاک طو تمغله نمازی
صحیح اولور انکیچون طهارت بدن فرائض خارجیه دن عد
اولندی و خصوص اوزرینه طهارتکه وضوء شرعیدر
بودخی شرط اولدی و دوام وضوء حقنه کلور (دم علی
الطهاره بوسع علیک الرزق) یعنی دوام طهارت وسعت زرقة
سبیدر مطابقا بوندن فهم اولنور که انسانک اعضا
وقواسی ما خلق له دن غیری به صرف اولنق تلویث و تنجیس
قبیلندندر پس هر عضو و قوتک برکونا طهارتی وارددر

ابتدا

ابتدا قلبک طهارتی اعتقادات فاسده و نیات کاسده دندر که
بونلرله قلب مردار اولور خصوصاً اخلاق رذیله دن تطهیر
لازمدر تنکیم قرآنده کلور (فی قلوبهم مرض) یعنی انسانک
قلبنده کفر و نفاق و حسد و غل و غش و امثالی اولنق مرض
ظاهری کبیر که تحصیل کالدن عوق ایدر بوجهتدن انبیا
و اولیا موتی استدیلهر فاما مرضی استدیلهر انکیچون حدیثه
کلور (واسأل الله العافیه من کل بلیة) و قرآنده کلور (لیذهب
عنکم الرجس اهل البیت و یطهرکم تطهیرا) و رجس هر کسک
مقامنه کوره در که کافره نسبتله کفردر و عاصی به اضافتله
معصیتدر و سالکله قلبنده تلویندر و اهل عرضه کوره عرضه
شان و یرن امور در انکیچون (اتقوا مواضع التهم) وارد
اولدی و شول کیمسه که طهارتی مخالفات شرعیه دن تطهیر
و باطنی نجاسات معنویه دن تنظیف ابتدای شبهه آل رسول
اولدی کربک ظاهرده سیادت و هاشمیتی اولسون و کربک اولسون
تنکیم (سلمان من اهل البیت) حدیثی اکا دالدر زیر حضرت
سلمان فارسی ایکن طهارت نفسله اهل بیت عدادندن اولدی
سائرلی دخی الحاقده اکا قیاس اولنه زیر بومقوله علت ایله
حکم آخره تعدیه ایدر و قرآن وحدیثده عبارت اولدیغی کبی
اشارت دخی وارددر و حقایق شریعه مخالف اولیجی اتی قبول
ایتملیدر و قلابدنصرکه اعضا و جوارحندن یدی نسنه بی حفظ
ایتملیدر که سمع و بصر و لسان و بطن و فرج و ایدی
و ارجلدر خصوصاً که افواه حقنه حدیث مرفوعده کلور
(نظفوا افواهکم فانها طرق القرآن) یعنی اغزلر یگری رایحه

کریه سی اولادن وغیری مردار نسنه لردن باک طوتکز زیر
حضرت قرآنک طریق و کذر کاهیه در انکیچون مسواک
استعمالی مشروع اولدی فاما مسواک امر مستنون اولدیغی
جهتدن مباح الاصل اولان اموره کوره در مثلاً حلال اولان
طعامی تناول ایتدکده و دیشرینک دیلر نده و ضرر طعام یعنی
پاس قالور و یا خود بعض امراض حسبیه جکر دن انفاص
کشیفه تصاعد ایدوب طماقده وغیری یرلده اثر و سخی ظهور
ایدر پس مسواکله تطهیر اولور و بومقوله نسنه لردن بالکیز
صومدن حاصل اولمغله عند الحنفیه صائم اولانه بعد الظهر
استعمال مسواک مرخصدر تا که اول رواج کریهه عارضیه بی
ازاله ایلیمه فاما اول نسنه لردن حرام الاصل و یا ابا حنیده
شبهه غالبه واردر اول مقوله نسنه لردن اغزی تطهیر ایتکدن
نه حاصل اولور که بالکلیه مردار در و خایقک مباحدر
دیدکارینه اعتبار یوقدر زرا بواعصارده عوام ناسک بمدیکی
و ایچمدیکی نسنه قالمامشدر انلرک یا نلرنده محرمات قطعیه بله
محملات مرتبه سنه وارمشدر فکیفکه مشبهات و امور ظنیه
و بعض حلال قطعی واردر که خواص ر دیه سی اولمغله
خواص ناسانی اکل ایتزلر زرا تنزل ایراث ایدر و حیوانیتی
غالب قبلور لحم بقیر و امشالی کی و یهود و نصارانک طعاملری
تناول اولمق فتواده جائز و تقوا نه پرهیز ایتک اوایدر کرکسه
انی اکل ایدن دریا کی متغیر اولسون و بویله دیمک دخی
اولور که (استغفرت قلبک) یعنی قلب پاک فتوایی نوجهله
و برسه و داعیه فعلدن و ترکدن نیه جذب ایدر سه انکله عمل

اولور و حد یشده کلور (تقوا براجمکم) برجه بامو حده نک
و جمیک ضمدلر بله پارمقلرک اوزرنده اولان مفصلار و عقدلر در که
انده و سخی مجتمع اولور اورالری تنقیه و تنظیف ایله امر ایتدی
تا که جنابتدن غسل ایتدیکی وقتده صوابله بشره اراسنه
و سخی حائل اولیمه والا جنابتدن چقمز و مر دار قالور و مرویدر که
برقاج کون جبریل امین ساحه حضور نبویدن منقطع اولدقده
سببندن سوال اولنجیق اصحابک قص اظفار و اخذ شوارب
و تنقیه براجم و استعمال مسواک ایندکدر بله اعتذار ایلدی
یعنی مؤمنه کرکدر که طرناقلری اوزادقده قص ایده مکر
غزاده اولدقده کفاره مهیب کورتمک ایچون کسمیه و بیق دخی
بویله در یعنی اغزی اوزرینه کلن بیغی شفه سی ظاهر اوله حق
قدر قص ایتلیدر اوستره ایله آلمیه منهیدر و ختان یعنی سنت
اولق دخی طهارتنددر و جمیع انبیا محتونا دنسایه تشریف
ایلدیلر حضرت ابراهیمدن غیر بیکه اول کندی کندین سنت
ایلدی تا که مشروعیتی ظاهر اوله و مستنون اولدیغی الی یوم
القیام قاله وانک وقتده علما اختلاف ایتدیلر اولی بودر که
یدی یاشندن اون اوج یاشنه دک اوله اکر ضرورت و ارایسه
ما فوقنده و مابعدنده دخی اولور و دیشرلدر که ختاند
قطع اولان لحم پاره سی و ییقندن و یاشندن و قولتوقدن وغیری
عضودن و طرناقدن اخذ اولان فضلاتی یره دفن ایلیمه ل
زیرا آدمی مکرمدرو بری دخی بودر که سحره لری نه دوشوب
انلرله اوینسامیلر و برکار خبیث طوتیمه ل حتی طرناقلر قص
اولدقده اوزونلرینی ایکی بولمک انددر خصوصاً صالحلرک

باش قیلر بنی پاك موضعہ قومق کر کدر جاملر ده کار نزلر
 کتمکدن و بر برد کانلر نده ایاقلر التنده قالوب باصلیقدن صیانت
 کر کدر مرویدر که رسول الله صلی الله تعالی علیه وسلم
 حج و داعده تراش اولدقلر نده صاحبزینک نصفنی طلحه به
 و بر دیلر و نصفنی دخی بر مغیلان اغاجی دالتنه تعلیق ایدوب
 تبرکا السونلر دیو اصحابه ندا اولندی و هر بری بر ایاکبشر شعر
 الیدلر و حائل کبی کو تر دیلر و سفره و غزایه چقد بجه
 استصحاب ایتدیلر و منصور و مظفر اولدیلر و دیمشدر در که
 جناب نبوت اوج درت کره انجیق تراش اولدیلر اکثر یا صاح
 ایلر کر زلردی و حضرت علی رضی الله عنه تراش اولمغی اختیار
 ایلدی زیرا جنابنده غسل واقع اولدقده برخوش یونغبوب
 بلکه قصور اوله دیو خوف ایتدی بعض فقره طریقت
 صاحبو اولمغی صدر اول اهلندن اخذ ایتدیلر در و لکن
 بو اعصارک حالی زیاده متغیر اولمغله مهجور کبی اولمشدر
 و طیلسان دخی بویله در وانسانده بر مضغه یعنی آب پاره سی
 واردر که اکا مغر شیطان دیرلر که ابایس اورادن القاء
 و سوسه ایدر اول مضغه جناب نبوتک باطنندن دست جبریل ایلر
 طرح اولمشدر انکیچون لهور و لعب و امثالند اصلا میل ایتدیلر
 و شرح صدر ایلر مشرف اولدیلر و امتک بعضیسی دخی
 قوت تو حید ایلر قاره قان فی ایدوب ثقلت وجود دن انکله
 خلاص اولمشدر در اشته بو مقوله ره حقیقت طهارت
 و نظافت دیرلر زیرا بو طهارتک اربابی اهل ملکوت
 ملتحق اولورلر (و طهرایینی) سرندن بهر بو لورلر

(لحرره)
 روشن اولدی بوللر نور خدادن کل سنکله دوست ایلنه کیده لم
 کچه لم بوجمله آغ وقرادن کل سنکله دوست ایلنه کیده لم
 پاك اوله لم کیروب نهر حبیه ایزه لم فیض ایلر سر صفاته
 طوغریلا لم اندن عالم ذاته کل سنکله دوست ایلنه کیده لم
 قانله آلا لم آید ستمزی دیکه لم کعبه دیداره کوزی
 کوره لم انبیا با صدیقی ایزی کل سنکله دوست ایلنه کیده لم
 کندک آتش فرقلر بنه یاقه صوکی هر یکا صالتوب اقه
 مشرک یوزنه سوزنه یاقه کل سنکله دوست ایلنه کیده لم
 دلار گرفته در غربت ایلنده چوز کل عقده پی مرشدانده
 کل حق قوله اوی بو حق بولنده کل سنکله دوست ایلنه کیده لم
 (بیان تفصیل قربان)
 و ایمانک بر شعبه سی دخی قرباندر که آدم علیه السلام زمانندن
 بری قائمشدر اندن مقدم قربان ایتک بو غیدی بلکه جمیع
 اشیا تسبیح و تو حیده مشغول ایدی تنکیم قرأند کاور
 (وان من شیء الا یسبح بحمده) پس آدم خلق اولند قده
 تسبیح و تو حید و سایر اذکار و اعمالک حکمی و یروب اجرا
 ایتدیکندن غیری قربانله دخی تقرب و تعبد ایتدی تفصیلی
 بودر که الله تعالی آدمدن مقدم اولان اشیا بی خلق ایتدکده
 وجود نعمتی مقابله سنده انلر شکر طالب ایلدی انلر دخی شکرانه
 تسبیح و تحمیده مشغول اولدیلر که تسبیح ذاتی و تحمید صفاتی
 مرتبه سنده در و انلر قربان ایتک تکلیف ایتدی زیرا اول وقتده
 لحم قربانی اکل ایده چک کیمسه یونغبودی شول جهت دنکه

الله تعالی اکل و شرب بدن متزهدر و انساندن غیر یسی دخی
اکله صالح دکل ایدی پس اگر اول وقتده عالمده اولان اشیا
قربان ایتک لازم کلمه عبث اولوردی فاما آدم زماننده عبث
اولدی زیرا قربان ایدر بواندیغی کی آدم جنسندن قربان اتن
یکه صالح کیمسه ده بولوردی اشته بواندیه قرباندر که
اکا عقیقه دیر لر هر کس عقیقه سنه مرهوند ریعی ارکک
طوغدیغی زمان ایکی قربان و قز طوغدیغی زمان بر قربان
ایتک کر کدر اگر بو وجهله ایتسه لر اول اوغلان و قز
نابالغ ایکن وفات ایتسه لر بابایه وانیه شفاعت ایتزل و بالغ
اولوب کیمسه لر بلا قربان کندی نفسلریچون تخلص ایتزل
زیرا مقدم شکر وجود بوانمه مشدر یا بر کیمسه اول امر دن
وجود نعمته شکر ایتسه سائر وجوده تابع اولان نعمتله دخی
کفران اوزرینه اولمش اولور بوجهتدن بر کیمسه طوغد قده
کندی ایچون قربان اولمادیغی بیلسه و یا شبهه لیتسه حیاته
اولدجه یوز یاشنه کیمسه دخی قربان ایتلیدر موتند نصکره
کیمسه به قربان اولماز مکرکیم عیب اضحی ده قربان ایدوب
توانی مراد ایتدیکی کیمسه نک روحنه هبه ایلله ولکن قربان
عقیقه دیمزل زیرا قربان عقیقه حیاته اولانه مخصوصدر
نتکیم مرور ایتدی و مروریدر که رسول الله صلی الله تعالی علیه
وسلم رسالت ایلله مبعوث اولدقلرند نصکره کندی نفس
طیبدری ایچون عقیقه قربانی ایتدیلر و بر قربان دخی ایدوب
توانی امته اهدا ایلدیلر پس امت اوزرینه دخی بوانیکی وجهله
قربان مشر و ع اولدی و قربان عقیقه عند الامام الاعظم

مستحب و عند الشافعی ستندر ولکن عند الامام احمد واجبدر
چونکه بو مسئله ده اهل اجتهد اراسنده اختلاف واقع
اولدی اقوی اولان احتیاط طرفنی طو توب امام احمد قولیه
عملا عقیقه ایتک کر کدر زیرا امام احمد قولی ار باب حقایق
مذهبیه موافقدر رضی الله تعالی عنه و قربان دوه دن و صغردن
و قبولدن و کچیدن و بونلرک دیشبسندن وار ککندن جائزدر
خروسدن دکل ولکن صغرک دیشبسنک و سائرک ار کککنک لجمی
اطیبدر پس اتی طنلو و سمن اولاندن قربان ایتک قبوله و ثوابه
قربدر و قربانه قادر اولمیانک ایشی اللهه قالمشدر اگر چه
بوزمانه ده فقیر آز بولور کندی نفسنی تخلص ایتک دردنه
دوشن آدم آفیون و کیف قیدندن کچه و حرام و خبیثه صرف
ایتدیکی ایچهری جمع ایدوب اموردینه خرج ایده و عورتلر
و ضرورت اهل اولنلر دخی تر کاهدن و کر کفدن و اکیر مکدن
و غیر ی عملدن کسب ایتدیکلرینی جمع ایدوب جمعیتلره
ود کونلره چیققی ایچون زیب و زینتیه و یرلر انلرک دخی
دوزخدن نجات مرادری ایتسه حلالدن کسب ایدوب ماللرینی
لوزم دینه صرف ایده لر نتکم خلفا زماننده بغسداده تقوی
اهلی خاتونلر وار ایدیکه کیمجه ایچنده خانه لری سطحنده
آیه قارشو کتان و پنبه اکیر لر دی شو بله که اگر ضابطلر بوزندن
زقاقدن مشغله کچسه اول مشغله نک نورنه قارشو اکیرمزل
و مشغله نک نوری اورادن غائب اولنجیه ال چکر لر دی تا که
طاملرک مشغله لری نورنه قارشو اکیرمیه لر زیرا اکیرمز
خیث اوور و ایلاک بهاسی اکله و شربه و لباسه متعلق

نسنه به اولغه صالح اولماز دیرلر ایدی اشته هم ایش اشلرلردی
 وهم حرام و خبیث و شبهه بی سچرلردی و بومعنی بوعصرك
 شیخنده و مریدنده بله یوقدر (ع) عصرك شیخی بویه بونك
 قلانی نوله) و عقیقه قربانی طوغان مولودك یدنجی کوننده
 ایدلر دیویاز یلور اکر ضرورت اولورسه تأخیر دخی اولور
 و اول قربانك فضیلاتی بر چقوره قیوب دفن ایدلر و ممکن
 اولدجه کککری قیرمیه بلکه مفاصلندن فصل ایدلر وابه نام
 خاتونه بودندن ویره واکر بتون بتون بر قزغان ایچنده قینادوب
 پشد کدنصره لحنی تفریق ایتسه بوسورتده کککری جم
 ایدوب بر پاك یره دفن ایدلر و بوغازلر کن و یا بوغازلور کن یاننده
 طوروب بویه دیه (اللهم هذه عقیقتی) اکر نفسیچون ایدرسه
 واکر غیر یچون ایدرسه دیه (اللهم هذه عقیقة فلان بن فلان
 دمها بدمه و لحمها بلحمه و عظمها بعظمه و جلدھا بجلده
 و شعرھا بشعره اللهم اجعلھا فداء له من النار) واکر کندلی
 نفسی ایچون ایتسه (اللهم اجعلھا فداء لی) دیه و بو قربانك کرچه
 لحنندن اکل ایتك جائزدر زیرا نذر قسمندن دکلدر واکر کندلی
 نفسیچون بوغازلرسه اکل ایتامك اولی در زیرا اکل ایتسه
 نفسیچون سعی ایتش اولور یعنی غرضندن خالی اولماز انکیچون
 اوشاقلره یدی کونلك ایکن و دخی سود امر کن ایدرلر تا که
 کندیلر یچون اولان قربان اتندن بیمه لر زیرا اول اوقاتده دخی
 اتیمکه صالح دکلدر و بودندن فهم اولور که اول قربانك
 اتندن اقرباسی اولنلر اکل ایدرلر فاما تقوی بایندن شوقدر
 واردر که اصولیکه والدینی و یوک اناسیدر جمله سی بر حکمده

اولغه اکل ایتسه لر اولیدر و بوراسی زیاده عمیق نسنه در
 زیرا غرض نفسندن خلاص اولقی دکه کیمسه به ویرلمشدر
 حتی بعض اغنیا کندلی خدمتلرنده اولان خدامه اراولسون
 عورت اولسون زکاة ویرلر مرادلی زکاتمن بیسانه کمتسون
 زیرا بو خدامله انتفاع ایدلر و دیرلر مع هذا زکاتك تعریفنده
 لله دیوقید اولمشدر پس خدمت غرضیچون دفع اولنان مال
 نوجهله لله اولور شوقدر واردر که اکر اول خدامه خدمتلی
 مقابله سنده غیری مال و یروب و یا لباس ایدوب یتنی غرضندن
 تخلیص ایدلر بلورسه انلره زکاة ویرمک لایاسدر مکر کیم
 ازاد اولمش قوی اوله بوسورتده اکا زکاة ویرلر و نذری
 قرباتندن دخی بدرمن اصول و فروغنه بدرمدیکی کی و اول
 قول ایچون دخی صدقه فطر ویرسه بلسمی ایچون دکل
 مکر کیم قوی خدمت ایچون اولیه بلکه تجارت ایچون اوله
 بوسورتده اکر سنده دور ایدرسه حسابی قدر سائر اموالی کی
 زکاتی ویرر و غازی غزالیدرم و حاجی حجه کیدرم دیمکله
 زکاتی ساقط اولماز اشته بو تفصیل قولاغکه کیردیه غفلت
 ایتیبوب عقیقه قربانی ایدلر کور الحمد لله تعالی بو آنه کلنجه که
 اون یدی اولادم اولوب اون التبیسی آخرته انتقال ایتمشدر
 جمله سیچون عقیقه قربانی کسلمشدر و کندلی نفسم
 ایچون دخی ذبح اولمشدر بو معنادن اوتوری نابالغ وفات
 ایدن اولادمندن قیامتده شفاعت مأمولدر و قربانندن غیری
 اولان قرابین بو قربانك فروعی کیدر مثلاً عید قرباننده اولان
 قربانك اصلی حضرت ابراهیم علیه السلامندن قالمشدر

اوغلی اسمعیلی ذبح ایتک مراد ایتدکده کیش عظیم وارد
 وفداء اسمعیل اولمش در شویله که اگر ابراهیم اسمعیلی بالفعل
 ذبح ایتش اولایدی هر مؤمنه اولادندن برینی ذبح ایتک واجب
 اولوردی عوام ناسک بومعنا به تحملی اولدیغندن الله تعالی
 رحمت عامه سیله تخفیف ایدوب انک بدانه قربان اضحی مشروع
 قیلشدر بوجهتدن کندی وجودی نعمته شکر ایدن
 اولادینک وجودلری نعمته دخی شکر ایدوب قربان ایتلیدر
 ایکی صورتده دخی نفی کنندینه عائددر زیرافی الحقیقه کندی
 ذبح اولنسه و یا اولادندن برینی ذبح ایتسه حال نیجه اولوردی
 ای کفران نعم تر ایدن مخلوق اولدیغکدن بیوستک کمالده
 و امساک نهایتده در یلار سنکه حبوب انبارده طور دجه فساد
 قبول ایدریانه ایچون (الدنیا مرزعة الآخرة) دینلیدی تاکه
 سن عمل تخمینی اکه سن وصوکنده محصول وافر بجه سن
 ایمی دی عمر یکی چورتمه و حالکی بیانه آتمه بلکه بر مقیدارینی
 اولسون قبریکه کوندروسن قبره کیرمزدن اول عمل صالحک
 قبر ایچنه کیروب ثوابی انده حاضر بوله سن وسن نیجه
 اخلاق الهیه ایله متخلق اولور سنکه حق تعالی جواد و وهابدر
 جودی اودر که قبل السؤال سکا اعطا ایدر وهبه سی اودر که
 ویردیکی نسنه دن اوتوری سندن عوض طلب ایلر وهبه سی
 کیری دوندرمز تنکیم سنک وجودیکی بالکلیه سندن آوب
 سنی عدم محض بوانه چویرمز و بعض اولاد کی قبض
 ایتدیکی دخی بویله در زیر موت دیدکاری عدم محض دکادر
 اگر سعید ايسک برکون انلره ملاقی اولور سن همان ایمان کامل

طلبنده

طلبنده اول و خلقت اولاد صغاری ایمانده و کفرده کندیلرینه
 تابعدر یعنی مؤمنلرک ناباغ وفات ایدن اولادی کندی ایله ییله
 جتنده و کافرلرک جهنمده در و اوقول اصحدر و بومقامده دخی
 کلام وارد در قاما محلی دکادر برینه صدده کله لم قربانده
 زیاده فضیلت اولغله غنی به و فقیره شامل اولدی زیرا اگر
 نذر ایسه اداسی لازم کلور و اگر دکل ایسه دخی قادر اولدیغی
 مرتبه دن قربان ایدر تنکیم صدقه فطر واجب دکل ایکن
 صدقه و یرمک اولی در و شکر قربانی دخی بیرام قربانی کبدر که
 هر کس انک لمندن اکل ایدر و نذر ایتک بخیلره کوره در
 یعنی بر کیمسه سخنی اولسه ده و وفا صفتی وجودنده تمکین بولسه
 نذر ایتدن دخی قربان ایدر و قربان انک خاطرینه کلک دخی
 کفایت ایدر کرک لسانه کتورسون و کرک کتورسون قاما
 بومقوله لر قلیلدر و قربان ایتک مقصود فی الحقیقه نفس
 طبیعتی ذبح ایتکدر که محل هوی و شهواتدر زیرا قان شهوته
 اشارتدر که ریاضت ایله قان آرقالدجه برینه نور کلور و قانکه
 حاصل اولیان قوت نورله حاصل اولور زیرا قان عالم فسادن
 و نور عالم بقادندرو برکونده اوج کره طعام بیک مشروع
 دکادر بلکه صائم دکل ایسه (بکرة واصیلا) موجب نیجه
 ایکی کره طعام بر وفصد و حجامت دم فاسدی اخراج
 و قوای شهوانیه بی تضعیف ایچوند رزیرا کثرت اکلدن
 قان چوغالوب مجراسی ارلان طمرله شیطان یورومکه باشلر
 و فساد و وسوسه دن خالی اولماز نعوذ بالله تعالی من شره
 (الخبره)

مشتاق ایسک کل اوکله بلبل کی افغانه کل
 آشتری یاق کوکله یا نمزدن اول یانه کل
 ترک ایت بو غربت منزلان طوت کعبه وصلت یولان
 الدن قومه تسلیم الن اسمعیل اول قربانه کل
 طور مه کیری کل ایلری باص ایغک یوله یوری
 آچق ایسه جان کوزلری دوست ایلنی سیرانه کل
 کشف اولسه وحدت عالمی اورمه انا الحق دین دمی
 ضبط ایله ای حق فی ادا ایله ارکانه کل
 (بیان عتیق رقبه)

و شعب ایمانک بری دخی اعتقاد بری قول آزاد ایلمکدر که
 اول قولک هر برعضوی مقابله سنده ازاد ایدنک دخی اعضاسی
 ناردن خلاص اولور چونکه اسماء الهیه مقابله در الله تعالی دخی
 غالب و مغلوب اعتباریله بعض عبادنی مملوک ایلدی و مالک
 اگرچه ازاد ایتدیسده ملک مملوکی اولمغله انت مملوکی دخی
 فی الحقیقه مملوک حقدر یعنی مملوک مملوکی دخی مملوکر تنکیم
 قرأنده کلور (ان کل من فی السموات والارض الا آتی الرحمن
 عبدا) پس کیمسه قولم وارد دیمسون زیرا قول و مال و حال
 الله تعالی نکر و قرأنده کلور که (فی یوم کان مقداره خسین
 الف سنه) یعنی قیامت کونی الی ییک ییلدن عبارتدر زیرا
 الی عدد موقف وارد که هر موقوفنده احکام و شرایعدن
 بدرلو سوال اولور اگر جوابه قادر اولمسه اوراده ییک ییل
 آج و صومرز حرارت شمسده محبوس اولور از جمله قول حقندن
 و خد متکار حقندن سوال اولور اگر قوله مالک اولوب وقتی

کلد کده آزاد قیلدیسده اندن اوتوری دخی ییک سنه محبوس
 قالور بو اعصار ده ایسه حال جهلا شوبله در که برقولی
 اون بش سنه یکر می سنه استخدام ایتد کد نصرکه ازادلق
 یوزن کوسترمزلر و بلکه کندیلرینک موتی علامتی ظهور
 ایتسه برقاج سنه دخی خدمت ایتسون اندن ازادلق کاغذنی
 ویره سز دیو و صبت ایدر و کندی نفسنی ناردن خلاصه
 سعی ایلز و بعضیلرینک و صبت ییله خاطرینه کلز بلکه ظلمات
 طبیعت ایچنده قراروب قالور و سوء حاله اوور زیرا و صبت
 و آتی تنفیذ ایتک دخی واجبدر خصوصاً که مظالمه متعلق
 حقوق عباد و دیون اوله مرویدر که اوزرنده قول حق اولان
 کیمسه نک روحی قبض اولند قدیمه روحی قضا و لنجیه دیک محبوس
 طورر اگر کیمسه آتی استحضال ایتز و یا ادا ایتز سه قیامتده دیک
 شوبله قالور و برنسنه دین اولد قد نصرکه بر ابقه اولق
 و ییک ابقه اولق برابر در و انسان آز کاهی تحقیر ایتک خطاء
 عظیمدر و استحضالی کفر در و قرأنده کلور (و تحسبونه
 هینا وهو عند الله عظیم) مرویدر که رسول الله صلی الله
 تعالی علیه وسلم بلا و فاء دینی فلان کیمسه نک نمازینی قیلزدی
 و برکون اصحابندن برینه بر قول بغشلدی اول کیمسه دخی
 قولی الوب اوینه کلد کده خانونی اکا بز رسول الله و بر دیک
 قولک عهده سندن کله یز و حقنه رعایت قیله یزدیو اوساعت
 اول قولی ازاد ایتدردی اشته مقام هیبت و جلال بلنلر و حقنه
 طوغری قول اولنلرک تعظیم و حاللری بودر زیرا هر نسنه که
 عبد انکله شریعتده و حقیقتده مبتلادر اول نسنه امانتدر

وامانتك عهدہ سندن گمامك خيانتہ در و بومقوله احواله
 ديون ديرل نيكيم حديثه كلور (اللهم اقض عني ديني) يعني
 هر نسنه كه شر يعقدن و حقيقتدن ذمعه دراني قضا ايله واماني
 محله تأديه ايتك نصيب قيل ديمكدر وانسان اسير اولمق دخی
 حكيم الهيه چوقدر وحديثه كلور (عجب ربك من قوم
 يقادون الى الجنة بالسلاسل) بو حديث ظهرا اسير اولان اهل
 حربك حاللرينه اشارتدر كه اخذ اولوب قيد و بنده دار
 اسلامه كلور و مؤمن اولوب بالاخره جنت نصيب اولور پس
 ظاهرده اسير اولمق مكروه نسنه ايكن باطنده غايته محبوب
 اولدي نيجه محبوب اولسونكه انكه دوزخدن خلاص اولور
 و دوسته قايوشور و سائر طبعاً محبوب اوليانلردخی صبر اهلنه
 كوره بويله در مثلاً غم و مصيبت ايله مبتلي اولمق ككي
 و بو حديث باطنا حقه اسير اولان كامالره اشارت ايدر نيكيم
 ديمشله (العارف صيد الحق) يعني بر كيمسه كمند و دام ايله
 بر مرغی صيد ايدوب قفسه قويدیغي كي الله تعالى دخی
 جذبه عشق ايله بعض عبادنی صيد ايدر و كامعه صدق
 مقام و بر و خلقك نظرندن الور شويله كه هم معلوم و هم
 مجهول اولور و بومقوله صيد حق اولنلر حقدن غیری به ميل
 ايمزلر انكي چون جسته زنجيرله جذب اولنورل فافهم جدا (المحرره)
 عارف بالله اولان حقدن غیری به قلمز نظر
 جنتی قورنا حريم حضرت ايلر كذر
 حاجينك مقصودی كعبه عاشقك مقصودی هو
 زاهدك قصدي بهشت و تاجر ك سم ايله زر

اونوران قبلدی ديرل في المثل مشهور در
 هم اره ايردي شو كيم سباح اولوب دایم كزر
 كيمسه بيلمز ماوراء پرده ده حالي ندر
 كيم ييلور سه ماسوادن عاقبت بجهل بزر
 حقيبا سعي ايله دنيا اولسون رهن سكا
 كائناتي كند يكه دشمن ييلوب ايله حذر
 و عبوديت اودر كه ماسوادن حر اوله سك و رياست مقامن
 كوز لميه سن زيرا هر كيمده كه كبر و استغنا و سوداي رياست
 بولنه اول كيمسه ذوق عبوديتدن بي چاشني و خوان عرفاندن
 بي بهره در و انك اصلي تواضع و حال فساد بي وجود اولمقدر
 تعلق تواضعدن دكلدر زير تعلق بين العوام لاجل المصلحه
 اولان معامله در تواضع ايسه معرفت اسرار دن ناشی بر سر
 عظيمدر كه اهل الله ميسر در (اللهم ارحنا وارزقنا حلاوة
 عبوديتك و احفظنا عن التعرض بمقامات الوهيتك من
 التصرفات الخارقه و التأثيرات الفارقه) و ايمانك شعبه لينك
 بري دخی نصحر كه كندينه سرديكي نسنه بي غیری به دخی
 صزه و خلقی صلاح و خير اولان نسنه لره دعوت ايليه و فساد
 و شر اولان اموردن تحذير ايدنه نيكيم وارد اولمشدر كه (الدين
 النصيحة كله) يعني گرچه امور دينيه چوقدر اما نصيحت
 امر غالبدر كويا كه دين همان اندن عبارتدر و ناصح اصلنده
 اسكيچي به ديرل كه بر تلمش و سوكلمش نسنه لري ديكر و بورادن
 واعظه ناصح ديديلر زيرا و عظيمه خلقك ديلرنده خرق
 واقع اولان اموري ملتئم ايدر و شول كيمسه كه كندى

عملانی فساد قاریشغندن خالص قیلبه وارادت خیری
محض ایتبه اول کیمسه دیندن چقمغه قریب اولور پس
مشاوره لرده وغیری پرلرده خلقک ایاغن المی استمک وتز ویر
وحیله ایله سوز سویمک دیندن خارجدر اکر چه ارباب
اغراض نفسانیه دائمی بوفساده دوشمشلردر و هیچ برکیمسه
آخرک ایوا ولد یغن استمزن و نعمتک زوالن استرو بو مقوله لر
شیطانندن بتدرزیرا شیطانک ایتدیکی حسد انلرده واردر
وبویله صفاتده اولنلرکنندیلرینه زیان ایدر لر ز برامو منلر
بر بنا کیدر که بری برلریله طوتنورلر قیاس ایله که برکیمسه
عمانده کیدرکن بر سفینه دن بر تختیه قوپارسه خلقی اغراق
ایده یم دیرکن کندی دخی غرق اولور و بوندن فهم اولنور که
اصل انسان جوهر واحددر وجیع افراد بری برینک خصمی
وقومی کیدر پس انسان اقرار بنه صله ایتدیکی کبی اباعده دخی
صله لازمدر که حقننده ارادت خیردر والا قطع رحم ایتمش
اولور اشته کافرک و مؤمنک کال جهلانی بوندن فهم ایله که
کیمی سارق و کیمی قاطع الطریق و کیمی هادم الاعراض
وامثالی اولشلردر زیرا بونلرک جمله سنده خلقة ضرر واردر
انکیچون شر یعتدن خارج اولان کیمسه اوکار بتز و قازدیغی
قیویه دوشر و دیمشلردر که شیاطین نیچه غل و غش
اوزر بنده ایسه ملائکه دخی او قدر نصیح و خلوص اوزر بنه در
وانسان ملک مرتبه سنده ایرمدکجه ظلمتدن قورتلر انکیچون
حدیثده کلور (واجعلنی نورا) یعنی ملائکه نوردن خلق
اولمشدر که انلرده کدورات طبیعیه و کشفات عناصر بو قدر

بو جهتدن انسانه دخی کر کدر که تلطف طبع و ترقیق
عنصر ایله ملک مشربنه کیمیه وملائکه دائمی انسانک
عاصیلرینه دعا قلورلر واستغفار ایدرلر و حق لرنده خیر مراد
ایدرلر و عملارینک ثوابی انلره بغمشلرلر و دیمشلردر که اوج کیمسه
کندی نفسنه خیانت ایدر اولکیمسی بودر که سلطانن نصیحی
کنم ایلبه یعنی کر کدر که سلطانه نصیحت ایده زیرا سلطان
قلب عالمدر قلب فاسد اولسه اعضا دخی فاسد اولور
خصوصا که ظالمه نصیحت ایتک جهلاد اکبر دندر زیرا
تلف نفس خوفی غالبدر و اینکیمسی بودر که مریض اوله
و مرضی طیبیدن کتم ایده زیرا اکبر مرضی معالجه یه
موقوف ایسه کندی هلا کته سبب اولور اشته بو معنی
مرض ظاهره کوره در و مرض باطن دخی بویله در انکیچون
مشایخ طریقت دیمشلردر که مرید مرشدن حالی ورؤیاسنی
کنم ایتامک کر کدر والا تربیه قبول ایتیموب حالی اوزر بنه ناقص
و محجوب قالور و ملوکک سر طیبستانی اولدیغی کبی اهل
ارادتک دخی واردر که قطب وجود در و اندنص کره عین
البقین مرتبه سنده واصل اولان قطب ارشاددر سائر علم البقین
مرتبه سنده اولنلر ارشادده ناقصلردر فی الجملة اطباء کبی
واوچنجیمسی شول کیمسه در که غم و غصه سنی کتم ایده
و کیمسه یه آچیه زیرا ضیق صدرن هلاک اولور پس
کر کدر که خاطری ائک محبتندن و کلانندن منشرح اوله جق
کیمسه یه حالن کشف ایلبه تا که ضیقندن مخرج بوله و تنفس
قبیله اکر شکایت طریقیله دکل ایسه تکیم عارفلرک حالیدر

والا مذموم در زیر احق شدن شکایت اولیاز بلکه غیره حالی
حکایت اولور و حقیقتی حقن حقه حکایت در کرجه
الله تعالی علام الغیو بدر تکیم ایوب علیه السلام حقنده کلور
(انی مسنی الضر وانت ارحم الراحمین) زیرا مقام مناجات
اظهار حال اقتضایدر و مقام صفات حکمیدر که بحسب الغالب
جهردخی اقتضایدر کرجه الله تعالی سمعیدر و حضرت
زکریا علیه السلام حقنده (اذنادی ربہ نداء خفیا) پیورلدیغی
زکریا نک پیرلکنه کوره در و پردخی مرتبه لسان مرتبه قلبه
کوره جهردندر کرکسه اوراده خفا اولسون و دیمشدر در که
بر کیمسه به نصیحت ایکی وجهله در که نصیحت اولنان کیمسه نک
حالتہ تابعدر پس اگر اول کیمسه خلق اراسنده نصیحت
اولنقدن عارایتمزه آشکاره نصیحت ایده والا انی رسوای
ایتمش اولور بوسیدن بلکه اول کیمسه عناده دوشوب نصیحت
اولندیغی امرک خلافتی طوته کرجه مقام فتوت اودر که
اعلا وادنادن نصیحت قبول ایلبه و عارایتمزه تکیم سلف
صالحین بو یوله سلوک ایتمشدر در حتی امام علی کرم الله وجهه
بعض اعرایینک سوزین قبول ایتمشدر بناء علی هذا شول
کیمسه لکه ناصحه سنک نه حدک وار بکا نصیحت ایتمکه دیرل انلر
فتوتدن خارجلر در مکرکه سوبلیان آدم تغندطر بقیله سوبلیله
ویاخود تو جیه کلام وافهام مخاطبه برخوش قادر
اولمایه بو صورتده سوزینه عمل اولنماز تکیم ساخته
قالدرم واعظلمری وار در که اصل مسئله بی یلمزل
وتقریرلرنده غلط ایدرلر

(لحرره)

سالک ایسک طوغری یوله کل مرشدک سوزین دکه
باقیوب صاغله صواه کل مرشدک سوزین دکه
دیلر سک یوزک اوله آق کوز یاشن دوک صوکی آق
نفسک هواسنی براق کل مرشدک سوزین دکه
هوایی آردیکه آت وار لگی بر یوله صسات
تسلیم اولوب قربانه یات کل مرشدک سوزین دکه
طوته غیر یوله یوزی حقدر اهل سنت ایزی
قرأندر مرشدک سوزی کل مرشدک سوزین دکه
حق قولک ذکر یه ودر جگری اود یوزی صودر
نصیحتی سکا بودر کل مرشدک سوزین دکه
(بیان وفای عهد و وعد)

و شعب ایمانک بری دخی عهده وفا و وعدی انجامزدر تکیم
قرأنده کلور (اوفوا بعهدی اوف بعهدکم) ابتدای عهد
یوم میثاقده اولان اقرار و انک موجبیه عملدر و اول اقرار
ظاهرده بلی دیمکدر باطنده حقه و امرینه منقاد اولمقددر
حقه منقاد اولق ر بویتنی تسلیم ایدوب توحید اوزر بنه
نباتدر امرینه منقاد اولق انبیا یوزندن کلن تکالیف الهیه بی
قبولدر تکیم قرأنده کلور (یا ایها الذین آمنوا آمنوا) مقصود
یوم میثاقده فطرت اصلیه اوز بنه اولدقلرین تذکیر و عین
خارجیده اهل تبایغ اولان و سائط طرفندن عهد لرین
تجدیددر زیر حجب بشریه ایله محبوب اولماریله در یادینه
طلانک حالتہ دوغمشلر در زیر ادر یادینده اولان کیمسه نور

آفتابی مطالعه دن بالکلیه محبوب اولدیغی کی اسفل سافلین ده
اولان دخی انوار عالییه بی مکاشفه دن محبوب بدر پس دست
و پا اوروب بودر یادن چیتمق ونوری کورمک کر کدر و اول نور
کر چه در یا اوزرینه عکس ایتشد و لکن چه فائده که اورتاده
حجاب وارد بو ندن فهم اول نور که دنیا به انبیا و اولیا
کلك محضار حجت در زیر هر بری دلیل طریقدر انکیچون
(و ما ارسلناک الا رحمة للعالمین) عبارتک اشارتده قطب
ارشاد اولنلر دخی داخللر در که درت مرتبه ده یعنی شریعت
و طریقت و معرفت و حقیقتده خلقه رجت اولمشلر در و حدیثده
کلور که اوج نسنه وصیت انبیا در اولکبسی صدق حدیثدر که
طوغری سویلکدر بلا زیاده ولا نقصان واقعه مطابق اوله
والا کذب اولور و بو معنائک صعبوتندن اوتوری انکله
ثواب آخرت مطلوب اولان عطیه به صدقه دیدیلر زیر
صدق کسرله شدت معناسنه دخی کلور صدقه ده ایسه شدت
وارد در زیر نفس انسان شخ و بخل اوزرینه اولدیغندن
و یردیکی مالی سهولت ایله و یرمز و ایکنجیسی عهده وفا
ایتمکدر الله تعالی ایله اولان عهده بوندن داخلدر و لکن
اگر شرعاعهده نقض ایتکه موجب واریسه نقض ایدر
و کفارت ایله ائتمدن قورتلور مثلاً عهده اولسون انامه بابامه
کلام ایتمایم دیسه و یا والله قومشی به و یا فلان کچسه به بردخی
سلام و یرمز دیو سویلسه بو مقوله سوز سویلک مشروع
اولیحق عهده و عینی نقض ایدوب سویلر و سلام و یرمز
وانک کفارتی یار قول ازاد ایلک و یا خود اون مسکینه صدقه

فطر قدر نسنه و یرمکدر یعنی هر مسکینه بشیوز یکرمی درهم
بغدادی و یا بهاسنی و یا اکا کوره حسابیله نسنه و یرمز و یا خود
اون مسکینک وجودین ستر ایده جک قدر لباس کیدر
اگر بونلردن بر نسنه به قدر اولمسه اوج کون متصل صائم
اولور تکیم محاسبه میندر و اوچنجیسی حفظ امانتدر یعنی
امانته هر نه ایسه خیانت ایتما مکدر و حدیثده کلور که
آخر زمانده آخر رفع اولنان نماز و امانتدر که اشراط ساعتندر
و غسل قلیل اولسی دخی انددر یعنی غسل قلیتی دخی قیامت
علامتلرنددر انکیچون بو زمانده زمان اولده کی کی بال اولمز
اولدی رسول الله صلی الله علیه وسلم حضرت تبری ایسه غسلی
و حلاوت قسمنی سورلر دی پس انلرک سود کلری نسنه نک
انقطاعی انقطاع عمر دنیا به رمزدر و تیار قیامتده فجر
قویسه لر کر کدر مکر که بیع و شرالرنده طوغری سویلبلر
و قطع حقوقدن صافنلر و اماناتی ادا ایدلر و بر کچسه وعد
ایدوب صکره خلف ایسه نظر اولنور اکر مرادی خلف
ایتمامک اولوب صکره بر مانع قوی بوزندن خلف ایتدیسه
کاهکار اولماز والا آئمدر زیر و وعدنده کاذبدر بو سببدن
مؤمنه کر کدر که هر نسنه به دانی او کر تمیه بلکه صکره سویلدیکی
سوزک عهده سندن کلمه تکیم اکثر ناس مبتلا در که هر یرده
اولور و اولسون دیمکه لسانلری معتاد ایتشلر در و حق تعالی
وعدنده صادقدر یعنی هر نه که دنیا به و آخرته متعلق وعد
ایتمشدر البته انی ایشلر زیر مقتضای کرم انک فعلیدر
شول جهتدککه خلقه انده فائده وارد چونک خلقی ربح ایچون

خلق ابتدای عطاسی دائما متواتر اولی لازم کلدی خصوصاً که
وعد طریقیله اوله ولیکن وعید و تخویفک حکمتی و بر مسمه
نسنه لازم کلز ز پرا عرب اومقوله نسنه بی کرم عدا ایدر
مثلاً بر آدم اخیری تخویف ایدوب سنک بورنکی و قولاغکی
کسرم و یا خود سکا بشیوز دکنک منرب ایدرم
دید کد نصره ایتسه کرم ایدر اما بوسوز مؤمنله کوره در
اما کفار حقیده و عید محققدر که خلود عذابدر ز پرا
انلر عن اصل کفر لری سبیلله رجه مستحق دکلردر
(لحرره)

ای کرم اسی ذوالجلال	قوللریکه ایله مدد
یا قبیله تانار جلال	قوللریکه ایله مدد
دردک اودینه یاغمشوز	جانمزدن اوصاغمشوز
رحمتکه طباعمشوز	قوللریکه ایله مدد
سر ذاتک حقیچون	کلماتک حقیچون
وصلکه ترفیچون	قوللریکه ایله مدد
حق اغلیو اغلیو	دیر یوزمک کیرینی بو
جان ویره هو دیودیو	قوللریکه ایله مدد

(بیان قراءت قرآن)

وایمان شعبه لرینک بری دخی قراءت قرآندر که نماز ایچنده قائم
اولوب اوقورسه یوز حسنه یازیلور واکر جالس اولوب
اوقورسه اللی حسنه یازیلور واکر نمازک خارجنده آیدسته
اوقورسه یکر می بش حسنه واکر بلا وضوء اوقورسه
اون حسنه صاحبی اولور پس افضل اولان وضوء ایله

وقبله به

وقبله به قارشو آدایله اوتوروب اوقومقدرد و مصحفی یوزندن
اوقومق از بردن اوقومقدن افضلدر ز پرا مصحفه نظر
ایتمک دخی عبادتدر خصوصاً اوقودیغی سطرلر الله شهادت
پارمغنی کزدرمک دخی کر کدرتا که ووزی نظردن بهر یاب
اولدیغی کی پارمغنی دخی تبرک بوله و مصحفی اویمک شرعیدر
ز پرا حجر اسودی دیانه اویمک جائز اولیجق مصحفی دخی
جائزدر حتی بعض علما باب السلامک اشکنی تقیل ایتمک
مستحبدر دیشلر یامصحف جله دن اعلا ایکن ادنی لری اوپوب
اعلاری اویمامک اولمیز که بلکه زیاده کوزلدر و حضرت عمر
رضی الله تعالی عنهدن مرویدر که هر صباح مصحفی الیرینه
آلوب (عهدر بی و منشور ربی) دیرلر ایدی و درت کیمسه
رکعت واحده ختم قرآن ایتمشلردر ایکبسی اصحابدندر که
حضرت عثمان و عیم داریدر رضی الله تعالی عنهما و ایکبسی
تابعیندندر که سعد بن جبر و ابو حنیفه الامامدر رحهما
الله تعالی و بوندن ظاهر اولور که قرآنی کر چه تأنی ایله
و محل وقوفده وقف ایدرک و معنای مخانی ایهام ایدن برلری
فرق ایلیه رک قراءت ایتمک کر کدر و لکن لحن حرام و تغیر نظم
و معنا بولمقدقه سرعتله اوقومق جائزدر حتی بعض حفاظ
برکونده اوج ختم شریف و دردنچیدن سوره مجادله به کلشدر
و هرون الرشید زماننده درت یاشنده بر اوغلان حافظ قرآن
اولمش و بعض علوم دخی اوقومشدر شوقدر وارددر که
فرض نماز زده سوره فاتحه که یدی آیتدر هر آیتده وقف
ایدوب تأنی ایله اوقومق احسن و اولیدر ز پرا بعض اسراری

مستملدر که محله مسطور در و نمازده حضور قلب لازم
اولد یغی کبی قراءت قرآنده دخی لا زمدر زیرایکبسی دخی
مناجات مقامنددر و حضور اودر که هر نه مقوله کاره شروع
ایدر سه تمامه دل نیتنی استصحاب ایلبه و اول ایشک جمیع
اجزاسنده نه ایش طوتد یغن یبله و نسیاندن صافنه نیکیم
کتب فقهیه ده یازیلور که نماز دن سلام و یرد یکی زمان
صاغنده و صولنده اولان بشره و ملائکه به نیت ایلبه اما
بواعصارده نمازک زه سنه نیت وار که سلامنده دخی نیت اوله
زیرا علمایله غافلدر در فکیف سائرله سلام و یرمک حقندن خلقه
رجوعدر شدی ایسه خلقندن خلقه در زیرانماز ایچنده
افکار فاسده سنی بتوروب بعده سلام و یرر محکیدر که
بر مطاف بر کپسه به برچوال صاتوب ایجه سنی الماش ایدی
فاما اول کپسه بی اونیدوب هر تقدیر تفکر ایندیه خاطرینه
کلدی صکره نمازه طوروب فکر ایدرک خاطرینه کلدی
و علی العجله سلام و یروب شاگردینه خطاب ایدوب اوغلان
بن نمازده فکر ایدرک چوالی بولدم دیدی شاگرد دخی بقه
اوسته سن نمازه می طوردک و یاچوال دیوشور مکهمی دیوجک
غفلتندن متنبه اولوب نائب و مستغفر اولدی و ترک و تجرد
طریقن طوتوب بالاخره ولایت مرتبه سن بولدی (و میت
غسل اولمزدن اول اوزرینه قرآن اوقمنقه اختلاف ایتدیلر
بعضیلر جائزدر دیدیلر بوقول مذهب اهل حقایقه موافقدر
زرا میت مؤمن اولد یغی جهتدن تجسس اولمز مکر که
ظاهر بندنه نجاست اوله بو صورتده قرآنی تعظیم ایچون نجس

رده قراءت اولمزد یغی کبی قربنده دخی قراءت اولمز جامده
انجاس و عریان اولسه اوقند یغی کبی والا اول وقتده و بعده
ثواب قرآنله منتفع اولان رو و حدر بو خسه بدن دکلدر
روح ایسه نفس و طبیعت بو یاسیله منصب اولمزد یغی طهات
اصلیه سی اوزرینه در منصب اولد یغی صورتده دخی حکمی
نجاست معنویه در حسبه دکل و قرآنی جهرایله اولمق اخفائله
اولمقدن اولیدر زیرایکبسی و حاضر لری ایقلاطه اقریدر
مکر که جهر ایتکه مانع قوی اوله بو صورتده اخفا اولنور
و بواعصارده بعض معاندین طرفندن بدعت سببه ظهور
ایتمشدر که جوامع و مساجدده آیت الکرسی بی اخفایله
اوقورلر و اصلی ندر دیسک اللرنده سند صحیح لری بو قدر
زیرا جماعت قراءته قادر اولدقلری صورتده غیریدن استماعی
ثوابلور در نیکیم فقهیه کلور (استماع القرآن ثوب من تلاوته)
واکر قادر اولمزه ثواب قرآندن محروم اولور مع هذا اظهار
قرآن ایتک شعائر دیندندر تا که خلق ظاهرا و باطنا منتفع
اولر سوال اولور سه که جماعتدن بعضیلری اول وقتده
نمازه مشغول اولسه لرنلری اشغال ایتک لازم کلور جواب
بودر که مؤذن جزئی توقف ایدر تا که خلقه سنن و قضا دن
فراغ کله مع هذا خارج صلاتده استماع قرآن فرض کفایه
و یا مستحبدر و بر ایکی جاهلدن اوتوری شعار دینی ترک ایتک
اولمز و علماء دین بیور مشلر در که مؤمنه لایقدر که کیچه
و کوندزده ایکی یوز آیت قراءت ایلبه یا بونک حکمن و یرمیچک
یا بر آیت دخی د کلمه می کر کدر که آیت الکر سیدر وای

بو عصرده خلقه که اکثری جهل مرکب مقوله سیدر زیر
 عالم پکنلریله قرآنک نورینی سکوند ر مکه چالشور لاشته
 بودخی قیامت علامتلرنددر زیر مصحفی رفع ایتمک حکمنده در
 و کتب معتبره ده مثبتدر که آخر زمانده حضرت عیسی علیه
 السلام نزول و دارالسلامه انتقالند نصکره برینه برخلیفه سی
 قالسه کر کدر که اکا مقعد دیرل و اول مقعدک وفاتند نصکره
 چوق پکنجوب بر یوزندن مصحف و صدوردن قرآن مرتفع
 و منسی اولسه کر کدر و بوند نصکره اول وقتک خلق حیوان
 طبعنه کبروب حرام و خبیثدن نحاشی ایتمه ل و بانکلیسه حجاب
 و حیای قالدیره ل و قیامت انلرک اوز رینه قوپه اشته قرآنسز
 اولان بویله ایمانسز کیدر ایمدی قرآنه علما و عملا و قرأة پک
 یاپش وانکله قلبکی و قبریکی و سائر موتانک قبورنی تنویر ایله
 زیرامذهب ابی حنیفده جمیع اذکار و اعمالک ثوابنی آخره هبه
 ایتمک وارد و بو مذهب اهل حقایق مذهبه موافقدر زیر
 دنیا حالی کیدر صکه بو راده برخلال اولسون آخره هبه
 ایتمک آخر انکله منتفع اولدیغنی کی بر کره (لا اله الا الله)
 دیسک دخی ثوابنی میتهد اهدا ایلسک انکله فائده نور و هبه
 مقبوله اولور محکیدر که بر مجذوب اوغلان بر کون بر مجلسده
 اغلیدی نه اغلرسن دیو سوال اولند دقده والده می عذابده
 کور رم دیدی اول مجلسده ارباب حالدن بر کیمسه واریدی
 مجذوب مذکورک کلامنی گوش ایتدکده قابندن انک
 والده سنه یتش یک توحید ثوابنی هبه ایتدیکه بو قدر عدد
 توحید ارتفاع عذاب سبیدر دیو مثبتدر بو صورته اول

اوغلان خنده ایتمک باشلیدی یعنی کولدی و والدهم عذابدن
 خلاص اولدی دیدی مع هذا سببی نه اولدیغنی اوراده اولوردن
 کیمسه بلزدی زیر اول اهل حال انی قلبیه هبه ایلدی ولسانه
 کتور میوب اخفا ایلدی اشته بوندن بعض فوائد فهم اولندی
 اول اول مجذوبک مکاشفه سیدر که والده سنی معذبه کوردی
 واکا کشف برزخی دیرل که میتک برزخنده حالی تمثل ایدر و ثابا
 ذکرک فضیلتی و تأثیریدر وثالثا فرأئضدن و سنن مؤکده دن
 غیرى اولان اعلی اخفا ایتمک اولدیر مکر که اظهاره ضرورت
 اوله و رابعا انسان غیرى بی زحمتده کورسه و یا خود ایشنسه
 نه اوستومه کرک دیمیه بلکه قدرتی واریسه ممکن اولدجه
 خلاصنه سعی ایده و خیرده بولنه زیر مؤمنلری برلرینک
 اعضا و اجزاسی کیدر و سائر مرحت دخی مؤمنک شاننددر
 و خامسا ذکر ایچون و خیر مصالح ایچون عقد مجلس ایتمک
 مشروعدر مساوی و غیرى معنا ایچون دکل بو فقیرک پدری
 مصطفی قابله الله تعالی بالحسنی و الزلفی هر صباح سوره یس
 تلاوت ایلر و هر جمعه کیمه سی اولادین جمع ایدوب سوره
 ملک او قوردی و اولادینه دخی اول وجهله اولغنی و صبت
 ایدردی الحمد لله تعالی که عمل اولنوب قالدی زیر سوره ملک
 منجیه در یعنی عذاب قبردن نجاته سبیدر تکیم احادیثده کلور
 و بر خانه ده که قرآن اوقمیه میت کیدر زیر جله اشیا نک
 حیاتی ذکرله در و بر محله ذکر اولنسه اول محل سائر ذکر
 اولنمیان محلل اوزرینه افتخار ایدر و هر موضعه که ذکر
 اولنه و قرآن اوقنه و نماز قیلنه و یا غیرى عمل صالح اشلنه

قیامتده اول مؤمنك حسن حالنه شهادت ایلله و شفاعت
مقبوله سی اوله پس مؤمنه لازمدرکه شاهدلر برینی تکثیر
ایده هر موضعه که مسجد اولش و یا مدرسه قلنش و یا تکیه
بنا اولنش و یا غیری خیر ایچون یا پلش ایسه مکتب و جز خانه
وغیری کی اگر بومقبوله برل مال حلال ایلله بنا اولنوب ریا
وسمه قارشمدی ایسه و ایچنده اوتور انلر و عبادت ایدنلرک
حالری غرض نفسانی دکل ایسه اول برل آخترده ارض
اولور جنته الحاق اولنور زیر کعبه اللهه تابعدر کعبه الله ایسه
حجاج ایلله جنته داخل اولور و بونلردن غیری مؤمنلرک محبوب
ایندیکی نسنه لر دخی اول موطنه لایق اولان صورت ایلله
جنته کیرلر بلبل و طوطی و طاوس و آهو و بونلرک امشالی
حتی لجنندن اکل ایتد کلمری حیوانات دخی بویله در دوه
و صغرو قیون و طاوق و امشالی زیر بونلر اکل اولند قدده
استحاله ایلله مؤمنك اجزاسندن اولور مؤمن ایسه اهل جنت
اولیحق اجزاسی اندن جدا اولمز بلکه اکا تابع اولور و محکیمدر که
بر صالح کیمسه بر مقبره نه اوغر ایوب صدق و اخلاصله بر فاتحه
اوقیوب ثوابی اوراده مدفون اولنلره اهدا ایدوب بر مزار
کارنده بر مقدار امر غندی کوردیکه بر بیاض بولوت کلوب
و پاره پاره اولوب هر پاره سی بر قبری ایچنه کیردی پس اول سحاب
ایض اوقود یغنی فاتحه ایدیکه ثوابی حصه حصه اولوب
هر میتک روحی انکله منتفع اولدی یا بر فاتحه نک ثوابی بویله
اولیحق ختم شریفك ثوابی نیجه اولمق کرك قیاس اولنله فاما
اولی اولان بودر که ابوینه و استاده و سودیکی کیمسه لایچون

مستقلا روحنه اوقیه و کیمسه بی انلرله مشترک ایتیه تا که بتون
ثوابی انلرا حراز ایلله ملوک قسمی طعامه بالکرا و تور دقلری کی
فاعرف هذا و قرأ فی الحان و تغنی ایلله قرأت مشر و عدر و لیکن
لحن عرب و نغمات رخیمه ایلله کر کدر تا که نظم و معنا حدندن
خروج ایتیه والا آثم اولور و حدیثده کلور (من لم تغن بالقرآن
فلبس منا) یعنی قرأ فی صوت حسن ایلله تزین ایتیب لحن
مقبوله ایلله قراءت ایتیمان بزم سنلر بزم ایلله عامل و آداب ایلله
متأدب دکلدر یعنی لحن مقبول و خوش آواز ایلله اوقومقدده
تأثیر غالب واردر پس مقصود خلایق حقه جذب ایتک اولیحق
وجه مذکور اوزرینه قراءت دخی انک اسبابندندر مکر کیم
بر سالکک وجودنده فنا فی الله معناسی غالب اوله بوصورنده
اکا احوال مختلفه بر درنتکیم مذهب شافعیده اختیار اولنشددر که
شافعیه مقامات موسیقی طرفندن بنا شمزل و نغمات جانبینه
طولا شمزل فاما حق اولان تغیر بولنماد بجه جواز بدر زیر
رسول الله صلی الله تعالی علیه وسلم حداء عرب به کوش طومش
و ابو موسی الاشعری بی دکلوب حظ ایتشددر لاسیما اعبا دده
و جمعیتلرده و بعض اوقاتده سماعلرندن غیری لسانله دخی
رخصت و بر مشلر و بزم دیغزده فسحت واردر دیمش لردر
و حضرت عایشه رضی الله تعالی عنهما اقر باسندن بر قری
انصاردن بر کیمسه به و یردکده جناب نبوی سعادتخانه لرینه
قدوم ایتدکده قز نیجه اولدی دیو سوال بیوروب عایشه دخی
اهلنه کوندردک یار رسول الله دیو جواب و یرکده جناب
نبوی دخی انصار طائفه سی غنایی سور نیچون بر مغنیه ارسال

ایتمد بکزدیو پیوردیلر ونقدر اندیا واولیا کلدی ایسه جمله سی
حسن الصوت اولق اوزره در پس شول معنای لطیف ولفظ
منیف و تغنی خفیفکه ساهمک هدایه داعیه سن تحریک ایدر
حلمنده شبهه یو قدر مکرر کیم هوا و شهوتی تحریک ایده
بو صورتده ممنوعدر شو قدر واردر که قرآن وقصائد حقّه
سماعنده قلبک حرکتی حقدردن تکیم غزل و اشعار باطله سماعنده
انجذاب دل ماسوایه در بوجهتدن هر کس کنندی قلبنه
نظراه مأمورددر که فتوای نه معنای اوزرینه ایسه انک ایلله عمل ایده
وداعیه سی نه طرفه دوزایسه اکا کوره حرکت ایلله و برکوی
رساله سنده تغنی ایلله قرآن و ذکر دکلیدر دیدیکی تغنی مذمومه
کوره در والا لفظی آفتدن و معنای سقامتدن خالی دکلدر
(لحیره)

هر کیم نشأسی ذوق سماعی طامعی
بزم عشق ایچره ایدر قطره واسون یوتمدی
مجلس غمده نیدر سزبی مزه آدمیری
وای اکا کیم یاشنه خون جکردن قاتمندی
هر نهال ککلیشی باد صبا تحریک ایدر
کوهسارک هیرم خشکنه تأثیر اتمدی
بلبل ایکلر ابرا غلر سو بسو چاغلر صول
هی یازقلرا اکا کیم حق سوزینه یاتمندی
(بیان اتباع السنه)

شعب ایماندن بری دخی اتباع السنه یعنی طریقه مسلوک نبوی
اوزرینه جاری اولوب کتب و سنتک مجموعیله عمل ایده و هر عمل

شارعدن

شارعدن نه وصف اوزرینه کلدیسه او یوله کیده کنندی یانندن
نسنه قارشدر میسه و هوادن و بدعتدن نفسی محافظه ایلله
ولکن سنت انواع اوزرینه در سنت مطلقه که سنت نبویه در
وسنن مشایخ و خبری سنت مقیده در و بر بدعت سنت مأثوره به
مصادفه ایتمدیکه و حکمی ابطال قلمدیکه اکا اتباع دخی
ایماندندر و نافله نماز حقّه قرینه سبیدر و سایر اعمال نافله دخی
بویله در و عندالامام تأهل ایتمک نافله جحدن و غزادن افضلدر
واهل حقایق دخی بو مذهب ایلله عمل ایدر لر زیرا آخر زمانده
آج اولئر دینلرن بد کلری کبی شهوتلری غلبه ایدن لر دخی او کوزه
بیزلر پس ممکن اولدیکه صیانت نفس ایتمیدر و بوندن فهم
اولندیکه نافله دید کلری زمان یا لکن نمازک نافله سی مراد دکلدر
بلکه غیر ی نوافل طاعات و عبادات دخی انده داخلدر
و نوافل اعمال اودر که فرائض و واجبات اوزرینه زیاده
اوله و شرعده اصل صحیحی بولنه پس مندوب و مستحب و تطوع
انده داخلدر مثلاً جهرله ذکر الله ایتمک و صلاة رغائب و رات
و قدر قیلمک نافله در زیرا صلاة خیر موضوعدر پس فرائض
و واجبات نصکره هر نه دکلر نماز قیلورسه جمله سی شرعده
داخلدر و ذکر کرده بعض اوصاف زائده و کیفیات بولمنق
مشروعیتی ابطال ایتمک اگر آدابیه مقارن ایسه والا ملعه کبی
اولور و سایر امور محدثه دخی اکا قیاس اولنه پس هر محدث
مذموم اولماز تکیم زخرفه مساجد ایتمک اشراط ساعتدندر
ولکن مقبولدر زیرا انده خلق جامعه و جماعته رغیب واردر
و کایس کفره دن تنفیر واردر و حضرت عثمان رضی الله عنه

زمانده محراب نبوی بی التون ایله تزیین ایتد کلامی کتب
معتبرده مسطوردر بناء علی هذا صکره کلندرخی اکا متابعت
ایتدیلر وکذلک اکثر قنادیل وایقاد شموع ایتدیلر وایله
برائده کثرت شموعه مذمومدر دیان مذمومدر مکرکیم
ریا وسمعه طریقیله اوله و بونک نظیری تصلیه وترضیه در که
روافض و خوارچی بی ردایچوندر بوجهتدن بومقوله معانیر
شعائر دیندن اولمشدر اما انایه و بابایه عاصی اولمق دخی کرچه
اشراط ساعتندر واکن مذمومدر زبیرا حرمتی فصله ثابتدر
وسائر لاکا قیاس اولنه و عمل هر عمل نافله دن غیر بدر زبیرا
نافله نک ترکی ایله عتاب اولماز مکر که سنت مؤکده اوله محکمه
ترکی بر ایله ایسه عتاب دکل بلکه عذاب بله وارد بر والدینی
کیکه فرضدر و ابرار دید کلامی جمیع اعمال بری ایشلندر
زبیرا اطلاق کماله مصر و قدر پس مخلط فی العمل اولان ابرار
کاملیندن اولماز بناء علی هذا نیجه مقریندن اولور که
مقرینک رتبه سی ابرارک فوقنده در زبیرا مقرب اودر که
ازلده یعنی یوم میثاقده حقه له عبد اراسته اولان حقوقک
جمله سن ایفا ایله وحقندن کله وعهده سنده دین قومیه
بوایه نادر واقع اولور زبیرا امانات الهیهی ظاهرده و باطنده
تأدیه موقوفدر و سنت دید کلامی فی الحقیقه فرضی تأکید
ونکبیل ایدن عملدر یعنی آخرتده بر مؤمنک فرائضی ناقص
کله نافله سی و ارایسه انکله تکمیل ایدر یعنی نافله ده اولان
فرضی فرضده اولان فرضه و سنتی فرضده اولان سنته بدل
و برر انکیچون نافله بی اکثر ایتک لازمدر تا که فرائضی

استکمال اولنه مکر که مقریندن اوله زبیرا بونلر عمل باینده
معموردر انکیچون بعضی ارباب حال نافله ایله مقید اولمشلدر
و بعضیلر دخی عملارینی و ثوابلرینی آخره هبه ایتشلدر تا که
الله تعالیدن غیری به اعتماد بولنجه و بومقوله مقلس دیرلر
ولکن مقبول اولان مفلسلر در که فضل حقه مقارنلدر
مردود اولان مفلسلر انلدر که خلقک ماللرین آلورلر
و عرضلرن کسر ایدرلر و بونلرک امشالی اشلرده بولورلر
بوسبیدن دنیاده ایتد کلامی عملارک ثوابی آخرتده خصمیری
ودو کوب و سکوب و خاطرلرین بیقدیغی آدمی الوب کندیلر
خیردن عریان و جهنمده بریان اولورلر و اتباع سنتنددر که
خفی اوزرینه مسح ایله اگر طپوقدن یوقاری ایسه و الامسح
ایمز زبیرا ایاغن یوسه طپوقلرینی دخی یور مسح خف ایسه
غسل رجلاک بدایددر پس خفی اکا معادل اولمایددر و برکبسه
دائما ایاغن یوسه مسح ایتمسه اگر مسحک جوازینی اعتقاد
ایدر سه عزیمت باینددر و الا خرق اجاع و رافضیتدر و سنته
اتباعدن مفهوم اولدیکه بدخته اتباع یوقدر اگر اول بدعت
اولان نسبه بدعت مذمومه ایسه و الا بدعت حسنه به اتباع
ایتمک دخی سنتنددر تنکیم حدیثده کلور (من سن سنة حسنه فله
اجر ها واجر من عمل بها الی یوم القیمه) یعنی بدعت حسنه دن
سنت ایله تعبیر اولندیغندن ظاهر اولور که بدعت حسنه سنت
باینددر و هر کیم بومعنایه قائل اولسه حدیثی رفض و انکار
ایتمش اولور و بومقامک تفصیلی بودر که الله تعالینک
امر ایتدیکی نسبه فرض و رسول اللهک قول و فعلی سنتدر

واصحاب دخی کتاب وسنتده مقتدای دین اولدقلرنده حققلرنده
(اصحابی کالتجوم بایهم اقتدیتم اهتدیتم) وارد اولدی پس
اصحاب کرامک قزل و فعلنه اتباع ایتک دخی سنتدن اولدی
وتابعین وتبع تابعینک رتبه لرینه دخی اشارت صادر اولوب
(مارأه المؤمنون حسنا فهو عند الله حسن) وارد اولدی یعنی
اکامل امت دخی الی یوم القیمه وارث رسول اولدقلری جهتدن
مقتدای ناس اولوب رأی ایتدکلی نسنه لری دخی امور
مستحسنه واعمال مستحبه دن وبونده امام اعظمک رأیله عملی
درست اولدیغنه اشارت وارد زبرا امام بیورمشدرکه
هرکیم بزم قولز ایله فتوی ویرسه اولادیلرزه نظر ایلسون
یعنی بزم رأی واجتهاد مزادله شرعیه اوزرینه مبنیدر یوخسه
رأی مجرد دکلدر وبوندن فهم اولنور که امام مزبور خلقی کندی
مذهبیله عمل ایتکه دعوت ایتمشدر بلکه همان اجتهداتی
اظهار ایتمشدر زبرا دعوت انبیانکدر سائرلر ایچون فقط
ارشاد و اظهار وتبیین وارد صکره کلنلر بزمذهب مخصوصله
عملی اختیار ایدوب خلط مذاهب ایتک جائز دکلدر دیوامور
اجتهادیه بی بری بندن تمیز ایتدیلر وهرکس آخرک مذهبه
قارشمغی روا کورمدی مع هذا صدر اولده مذهب برایدی
وحضرت مهدی زماننده بر اولوب اصلنه ارجاع اولنسه
کرکدر بوصورتده اختلافات مجتهدین وفقها بالکلیه
مرتفع اولور و بومقامده امر مشکل بودر که التزام مذهب ایدنک
التزامنه نه دیمیلدر اگر واجبدر زبرا علما اولوالامردر دینلورسه
اطاعت امر اوزرینه مبنیدر ارباب اجتهدادن ایسه التزام

مذهب ایله امر یو قدر بوصورتده اطاعت واجب اولماز
واکر واجب دکل دینلورسه خلط مذاهب جائز اولوب هرکس
کندینه آسان اولان مسئله ایله عمل ایتک لازم کلور واهل
اللمدن خلط مذاهب اشدلمش وکورلمشدر مع هذا کندی
مذهبلرینک بعض اجتهداتی حقایقه مخالفدر امام مالک
مذهبنده صلاتده ارسال بد ایتک کیکه امام اعظمک مذهبی
اولان ضم بدین اندن اقوادرزبرا (ایک نعبد وایک نستعین)
آیننده ضم ایتکه اشارت وارد مع هذا امام مالک مذهبی
اوزرینه بوقدر اولیا کلمش وضم بد ایتمشدر در که ازجمله شیخ
محمی الدین العربیدر قدس الله سره زبرا ظاهر مذهبه مخالفت
ایتسه بین الناس اختلال حاصل اولور نتکیم اسلامبولده شیخ وفا
حنفی المذهب ایکن صلوات جهریده شافعی کی بسم الله بی
جهر ایدردی بوجهتدن خلق اراسنده خلط مذاهب جائز
دکلدر دیوقبل وقال چونغالدی واجتهادیات مجتهدین ایله
عمل ایتک حق اولدیغندن هر مذهب حقندن بی حساب
اهل الله ظهور ایتدی اگر حق اولسه دائرة ولایته دخوله
مانع اولوردی نتکیم ولد زنا اولیق مانع ولایتدر سائر صغائر
و بکار دکل ای مؤمن بواعصارده حق وباطل وسنت و بدعتی
تشخیص ایتکه اوهام وخیالاتدن خالص اولمش علم قطعی
صحیح و یامقام قلبدن کشف صریح لازمدر که اکاهدی دیرلر
یعنی هدی دیدکلی بر نور الهیه در که قلب مؤمنه قذف والقا
اولنور و مؤمن اول نور ایله خیر وشری فرق ایدر انکیچون
کل اولیاک افعالنه واقوالنه مخالفت ایتماک کرکدر زبرا

جمله سی هدی در و شرایع بایندند در کرکسه خلق انک سرینی
فهم ایتسون و کرک ایتسون خصوصاً که بواعصارده عقول
زیاده ضعیفه واعتقادات متلونه در بوسیدن برهان ندر
بیلزل و برهانله مدعای اثبات ایدوب مطلوبه انتقال ایلزل
و بلکه برهانک خلافتی برهان ظن ایدوب بعض موادده حقه
مخالف ایش طوترل پس بی بصیرت اولد قلمی جهتیدن
(اولئک کالانعام) نشانیله معلم و حقاقت و غوایتده علم
اولمش لرد در کرچه کنیدی زعمری اوزره مجدد دین و دوات
و می شدارباب شریعت و حقیقتن دیرل نه دجاللری کلدی
دخی نه لرکسه کرکدر و نه فرعونلر وجود بولدی و نه لر
وجود بولسد کرکدر و لیکن (لکل فرعون موسی و لکل دجال
مهدی) ملاحظه اولنه زیراجهاد الی یوم القیام ماضیدر
(لحرره)

درمان دیلرسک درد بیکه	لقمانه کل لقمانه کل
فیض استریسک وریک	لقمانه کل لقمانه کل
کافی دگلی ای کوزل	اذکار رب لم یزل
نیلرسن اشعار و غزل	قرآنه کل قرآنه کل
وهمی قوعقلک واریسه	طوت عشقی هوشک یاریسه
دل سر حق ارار ایسه	وجدانه کل وجدانه کل
عاشق ایسک دلداری کور	دادارده دیداری کور
هردمده وجه یاری کور	سیرانه کل سیرانه کل
بو جامه تنیدن صوبون	کیرنهر فیض حقه یون
فرمانه حق ویریون	قربانه کل قربانه کل

(بیان دنیادن زهد و اعراض)

و شعب ایماندن بری دخی زهد در که النده بوانوب امساکی
مباح اولان نسنه لری ترک ایتکدر زیرا امساکی مباح اولسه
ترک ایتک فرضدر آلات لهو و امثالی کی و بعض ار باب حقایق
پیوردیلر که زهد بالکلیه دنیادن اعراض و عرض و متاعنی
ترکدر بروجهله ترک ایتدیکک نسنه به بردخی قلبک میل ایتبه
شویله که اگر نو عا میل بوانورسه اکا صورت ترک و معنا
عدم ترک دیرل پس اولکی زهد شریعت مرتبه سنده اولنلرک
زهیددر که انلر کرچه اللرنده بولنن اموالی ترک ایتمش لرددر
ولکن بالکلیه دنیادن و وجوددن فنا بولمش لرددر و بونلره زاهدلر
دیرلر که عاشقنلرک خلافتدر و بونلرک سلوکی طریق آخرنه
و جسته درجه و حور و غلمان و امثالنه در وایکنجی زهد
حقیقت پایه سنده اولنلرک زهیددر که ماسوی اللهدن بالکلیه
اعراض ایتمش لرددر و واری بوغه صائممش لرددر و بونلره عاشقنلر
دیرلر که سلوکلری حقه و رؤیت دبداره و تجلیاته و امثالنه در
پس هر زاهد عاشق اولمز و لیکن هر عاشق زاهد اولور نتکیم
ابراهیم بن ادهم و شیخ عطار و امثالی بوقبیلنددر شوقدر
وارددر که انسان حقه واصل اولدقدن صکره دنیادن اکا
ضرر کلز والنده بعض اشیا بوانسه دخی زهدینه مانع اولمز
زیرا قلبی ایله ترک اهلیدر نتکیم ابو حامدک برادری شیخ احمد
غزالی به بعضی عتاب ایدوب بسلیدیکی افراس ایچون سنز
بو آتلمری نیلرسکز سنز خود زاهد سکز دیدکلرنده بزبو آتلمری
قازیغه بغلرز بوخسه قلمزه دکل دیو جواب ایتدیلر پس بوندن

فهم اولندیکه تارك دنیا اولمق فی الحقیقه قلبله اولور ای نیجه
صورت اسیرلی واردر که تحصیل دنیا ایچون خلقك یوزینه
ریاضت ایدرلر و می یدنامنه اشخاص واردر که کسب حرام
و خبیث ایله تعیش ایدرلر ارادت بولی ایسه طریق عاشقاند که
عاشقلر حرامدن و شهواتدن احتراز و پرهیز دکل بلکه
حلالدن یله حذر ایدرلر زیرا نیجه حلال واردر که خواص
مضره سی واردر خصوصاً که اکثار طعام ایتمک قلبك
مناجات حقیدن حرمانه سببدر زهد زمان اولده ایدیکه
طویراقدن برآیدست ابریکی ولیفدن براسکی بصدد یغی
والتنه برپوستی اولان اغلیوب شونلرک آخرتده محاسبه سی
نیجه ویریز دیرلر دی زمانه نك مشایخنده و می یدلرنده مدعیلر
ظهور ایتدیکه سمور کیرلر و کجیلان آتله بزلر و ذیب وزینتی
سویب هر حالده خصوصاً طعامده عوام ناس و بلکه ملوک
تقلید ایدرلر و خرصلرندن حرام و حلالی جمع ایدرلر و کفر
و ایمانی بریره کتورلر ای نیجه صالحلر کذر ایتدیکه بابالرندن
انتقال ایدن میراثی شبهه لودر دیو قبول ایتدیلر و اصابت
ایتدیلر را قرأند کور (و تأکلون التراث اکلا لما) یعنی
میراثی حلال و حرام دیمز رسکن علی الخصوص که میتک
دیونی اولدیغنی یلورکن طالی چنبدن کچورلر وندن
معلومدر دیرلر و دیمشلدرد کدائن حیاتده دکل ایسه مالی وارثه
تسلیم ایدم کوراث معلومی واریسه والا اگر کندینک ضرورتی
واریسه کند ی نفسه خرج ایلیه یو غیسه محتاجلره تصدق
ایلیه و بو ایکی صورتده ثواب صاحب حقك اولوب کند ی

اورتاده و کبل کی اولمش اولور و علی کل حال مؤمنه لازمدر که
دنیا به حربص اولوب حقوقی حفظ ایتمامکدن صاقنه و حیاته
ایکن بوکنی تخفیف ایلیه زیراعن قریب اوکنده عقبات
واردر و کمال صحتده ایکن اولان صدقه نك ثوابی و صبتدن
اکثردر کل ایمدی دنیا سکادناشدن اولسونکه عارفلر اراسنده
دن و سافل اولور سن بلکه دنودن اولسونکه قریبدر یعنی
دنیا سکا مناع بلاغ اولوب انکله حق تعالی به قربت بول
بلکه وصلت اهلی اول و دنیا حقه پرده یعنی حجاب غلبلدر
وانك حدی پدیحی قات کوسك مقعرینه وارنجه در
یوقار بسکه کرسی و عرش ولوج و قلندر عالم آخرتدر دخی
یوقار بسی عالم ارواحدر که مقام مهمین دیرلر که اوراده اولنلر
دنیا و مافیهای و آدم و عالمی بیلزلر بلکه انوار حقه غرق
اولوب مشاهده دائمه اهلبدر و بومرتبه ره حجاب لطیف
دیرلر بو پرده دن دخی کذر ایدوب بصیرتلی عالم علمه کشاده
اولنلر و غیب الغیوب روضه صندن شمه بولنلر بالکلبه
ما سوی الله چار تکیر اورلر و کونینه لمح صالمزلر و مقعد
صدقه حقه او توروب طورلر انکیچون بومقوله ره هم معلوم
و هم مجهول دیرلر معلومینلری بشریتلرله در و مجهولینلری
حقیقتلرله در ای نیجه لر صدرده در که باید اولنلر انلرک
حالرنی بیلزلر و ای نیجه لر باب اللهیدن دخی دوردر که باب
و صدرندرا کزلر بولنلر انسان حیوانی و اولکیر انسان حقیقیدر
و ارایمدی انسان حقیقی اوله کور که بومقاملره ایاق بصاسن
وملاء اعلا اراسنده قلیجکی عرشه اصاسن و دنیا به کلدیککه

از حقوق ده که سن نبلر سنبکه مجرد شبحسن وخواجه و بکسن
و بعض اولیا پیور مشلدر در که ابراهیم بن ادهم بنم زمانده
اولایدی انی تختندن ایندر مردم بلکه دواتی ایچنده ایکن
تریه ایدردم و شاهلیق اکا ضرر و یرمزدی یعنی انک سیاح
عالم اولوب ترک و تجرید وادیسنده دور ایتدی یکی مرشد
بولوب طلبکار اولدیغندن ایدی پس قنده که مرشد و تسلیم
وارد در شاه انده درویش اولور و تاجی کلاهه و یرمک لازم
کمز زیر اسلیمان علیه السلام صاحب ملک و تاج ایدی و یوسف
علیه السلام دخی عزیز مصر ایدی و نیجه خلفاء حقیقیه
اولکر نیجه نجائب یعنی بد کلر بدیلور کن پیاده حج ایتدی لر
و طریق حقنه و کعبه مقصوده فنا فی اللهدن کتدی لر سوز
همان مرشد بولمقدرد و مرشد دخی بولنور و لکن طالب یوقدر
نتکیم کمال نجندی پیور مشدر (ع) جهان پر شمس تبریزست
مردی کوچو مولانا) یعنی جهان شمس تبریزی کی مرشد لرله
طولودر و لکن مولانا کی مرد میدان یوقدر و مفتی یحیی افندی
کلماتده کلور (ع) سوبلدر می یوق جهانده بلرز سوبلری یوق)
یعنی طوطی دیلری سوبلدی نی مرشدلر و معلملر وارد و لکن
طوطی کی تعلم قبول ایدوب سوبلکه مریدلر یوقدر بلکه اکثر
شیخلرک و مریدلرک سوبلدری هذیان مقوله سیدرو هر عصرده
بوزیکرمی درت بیک و بلکه دخی زیاده اولیا وارد در که
رئیسلری قطب الاقطابدر نتکیم تفصیلی کتاب الخطاب نام
کامزده در که دمشق الشامده اشارت الهیه ایله تألیف اولمشدر
(لحرره)

جسم و جان و مالی ترک ایله خلیل اللهه باق
بق نوجهله نجلی ایلشدر اکا حق
ملت حق حقنه تسلیم اولدیغنی بیلدک ایه
واراغی قوکندی کی یوقلق اودینه طورمه باق
بیللی کور نیجه ابراهیمله دوشدی اوده
انکیچون صحن کاشنده او قوریه ک بر سبق
کل بو کون ظلمنده قائمه کیچک ایر کور کوندزه
صاغ و صولک فرق ایده کور و ارایکن جانندن شفق
بو کونک یارینی اولمشدر صباح آخرت
آز قالدی فالق الاصباح ایده فجر ی شق
تازه تازه غنجه لر جمع ایله باغ فیضدن
پیرایشکنده حقیا نبلر سن اللهه کل طبق
(بیان حفظ الحرم والعیال)

شعب ایماندن بری دخی حفظ الحرمدر یعنی اهل و عیالی
ظاهرده آفاتدن و باطنده فساداتدن حفظ ایتک و مخدوم
و خادمه احسان ایتک دخی ایمانک شعبه لر ننددر و مخدوم
فی الحقیقه اکر چه کندیدر و لکن خادمه احسان ایتمه سبله
احسان حقنه مظهر اولوب کندی کندیینه احسان ایتش کی
اولور و دنیا و آخرتده فائده لنور و بوراده خادم مملو که
وینا شمه تعبیر ایتد کلری خدمتکاره شاملدر و مخدوم
اسم اعظم و سائر اسماء جزئییه کیددر انکیچون قرآنده کلور
(بدالله فوق ایدیهم) و قرآنده (الرجال قوامون علی النساء)
دخی سرمد کوره ناظر در زیر رئیس داردن ماعداسی نسا

حکمنده در شول جهندنکه غیرک زیر دستنده در و مشهور در که
 ال ال اوزرنده در عرشه وارنجه دیرلر و جمله نك حاکی
 مبدأ اول اولان الله تعالیدر انکیچون پادشاه بیله قولدر پس
 شمدنصرکه بشلو باشمه اولایم دیمک بالنسبه در زیر کنسیدی
 باشنه سلطان اولمش اولور یوقدر و انسان گاهله شرف ذاتی
 حقه قول اولغله در بوسیدن جناب نبوی پیورر که (اناسید
 ولد آدم ولا فخر) یعنی بن سیادت و ریاستمه فخر اینتم بلکه
 عبودیت حقه فخر ایدرم زیرا عبودیت انسانک صفت
 ذاتیه سیدر فقرکی الوهیت و ربوبیت و غنا حقک صفت
 ذاتیه سی اولدیغی کبی و بوراده ولد آدمدن مراد بحسب
 العرف نوع آدمدر یعنی آدم اوغلنک سیدی یم دیمک آدمک
 و ذرینک سیدی یم دیمکدر والا آدمدن افضل اولمق لازم
 کلور مع هذا (اناسید الناس يوم القيمة) حدیثی آدمدن
 و اولادندن عموما افضل اولدیغنده صریحدر و بوراده
 سیادتق تصریح و یوم قیامتق تعیینک سری امتی کنسیدی
 قبوسنه ارشاددر که طوغری اورایه کلدلر و شفاهت بولهلر
 و مراده نائل اولهلر زیرا غیرق قبولدن مقصود حاصل اولماز
 شول سببدنکه انلردخی بوقبویه محتاجلر در تکیم قرآنده کلور
 (عسی ان یبعثک ربک مقاما محمودا) یعنی مقام محمود آخرنده
 شفاعت عظمی مقامیدر که جمیع انبیابه اول مقامدن شفاعته
 اذن و یریلور اشته قول اولورسک بویله قبویه قول اول و قبوی
 صلواتله آچوب قیانا که شفاعته ایره سن و جنته کیره سن
 (لمحرره)

ای کوزل یوزلور رسول الله شفاعت قبل بکا
 چون پیوردک کیم کوزلردن اولور حاجت روا
 شمع حسنک سیرایدوب پروانک اولدی مهر و ماه
 کیم دوزلر اوستکه هر روز شب چون آسیبا
 چون انا امح دیوب و یردک ملاحتدن نمک
 بونمکدن یوسنی حسرت نگاه ایندک سکا
 یار رسول الله یا خیر الوری کشف ایت یوزک
 ناکه دیدار کله اوله دیده دل روشنا
 آه کیم مستغرق دریای خیرندر بوسکون
 شیخ حتی اوله لی عشقک یوزیله آشنا
 و حرمنی حفظدندر که باعث نهمت اولان مواضعدن انلری
 منع ایده والا قرطبان اولغسه مؤدی اولور و انسان بر سودک
 قیماغنی بر کره بوزسه بردخی اولکی کبی قیماق طومنز و انسانک
 الهی ییلاق عرضی بر ساعتده بقبلور و بوایش ایله جانی ابدی
 یا قبلور و انسان شرار نسادن احتراز و الله تعالی به استعاذه
 و خیبارندن دخی حذر لازمدر زیرا ناقصات العقلدر و اما
 شافعیدن منقولدر که الله تعالی یوم میثاقده درت کیمسه نك
 حالنه اعتبار ایتمز اولکبسی زهد خصصا در خصاشق و زننده
 خصصیه سی تزع و اخراج اولنان کیمسه در که اندن اولاد کلز
 زیرا شهوتی منقطعسه و آلتی نامساعد و بلکه بالکلیه مفقود
 و مقطوعدر بوجهندن بحسب الغالب بومقولهلرک زهد لرینه
 اعتبار یوقدر زیرا زهد اودر که برنسنه و ارایکن ترک ایده سن
 شهوتی اولیان آدم ایسه زنادن پرهیز ایتک مرده اولمش کافری

قتل ایتک کبیر که انکه غزا حاصل اولماز انجق شهوتدن
غیریدن پرهیز ایتسه پرهیزنده صادق ایتسه عند الله معتبر
اولور و امور دنیایک تعلقه صالح اولنلرک جـ لـه سی شهوات
قبیلنددر که طبع و نفسک انلره نزوع و میلی وارد در کر چه
لسان عامه ده شهوت بطیئه و شهوت فرجده شایعـ در
و ایکنجیسی تقوای چندیدر ضم جیم ایلـه چند اصلنده حرب
ایچون اعداد اولنسان عسکره دیرلر که انلرده شدت و صلابت
وارد در صکره پادشاهلره متعلق اولان چاوشلرده و امثالنده دخی
استعمال اولندی یعنی ملوک و سلاطینه متعلق اولوب امور
ناس ایچون تعیین اولنان کیمسه لک تقوالرینه اعتبار یوقدر
زیرا وقتی کـ لـد کده والـرینه کیرد کده حرام و حلاله باقرلر
صونارلر و خلقک مالن الوب و عرضن یقمقده پروانه کـی
دوزلرا کر تقوالری جانندن اولایدی هر برده حقوق کوزه درلر
و خلقی کوزلر لدی و اوچنجیسی امانت امرأه در یعنی انک
اما ننه اعتبار یوقدر بلکه هر تقدرا مینه اولسه ینه خیانتندن
خالیه اولماز پس محرم راز اولغه سزا دکلدر و الا فضاحتـه
مؤیددر و دیمشـلر در که ایکی خاتونله استنشاره و مقتضاسیـله
عمل اولمشدر ماعداسی دکل بری حضرت شعیک کریمـلری
صفورا که حضرت موسی علیه السلامک اهلبدر و بری دخی
ازواج مطهره دن ام سلمه در رضی الله تعالی عنهن و در دنجیسی
عبادت صبیاندر زیرا احوال نیت بیلزلر و حضور قلب ندر
فهم ایلزلر و شرائط عباداتی استیفادن عاجزلدر کر چه
ارالنده نیجه رشید دخی بولمش و هر حالنه اعتبار اولمشدر

و دیمشـلر در که صبیانک ایمانی فرضدر مکلفلر کـی سائر اعمال ایتسه
نافله در ولکن نماز قبله دینی زمان نیت ایلدم مکلفلر اولورینه
فرض اولان نمازه و صائم اولدینی وقتده نیت ایلدم مکلفلر
اولورینه فرض اولان صومه دیمک کر کدر و انلرک عبادتـلرینک
ثوابی کندیلرینکدر ابویـنک دکل و هیدلری مقبوله دکلدر
و عبادتـلرینه قبول و ثواب اولق ابویـنه متابعت ایلـه در
و دیمشـلر در کـه انسان کثرت عیالـدن تضجیر ایتـمک کر کدر
بلکه ارالنده اهل بخت و سعادت وار ایتسه برکات معاشه
سبب اولور مکر کیم تارک فرائض اولدقلری جهتدن منحوس
اولـه لـر و انسانک بعض سببـاتی وارد در که انک کفارتی معاش
عیال خصوصنده اولان هموم و غم و مدر پس اومقوله غـلـره
غـلـمه بلکه کـاهـکه کفارت اولـه و رزق سنک الـکـده دکلدر که
سن رزاق اولـه سن بلکه سن دخی عیالک کـی مرزوق سن
و جمیع خلق عیال اللهدر تنکیم بر کیمسه سفرایدوب خاتوننه
نفقه الیقومقده بو خصوصده اول خاتونـه بعضیلر ستم ایدیچک
خاتون دخی بنم زوجـم دخی رزق بیچیدر بوخسه رزق ویریچی
دکلدر دیو جواب و یردی اشته بومرتبه عارف بالله اولوب
توکل نه ایدیکن فهم ایدنلرک مرتبه سیدر پس قلبنده رزق
خصوصی ایچون اضطراب بولنلر اسبابه تشبث ایتاید کر چه
الله تعالی پراشی عندالاسباب ایشلر یوخسه بالاسباب ایشلر
یعنی فی الحقیقه اسبابک تأثیری یوقدر بلکه مؤثر حقیقی
الله تعالیدر و بعضیلر که ایشمز تشبث اسبابه متعلق اولمدینی
جهتدن وجود بولدی شمد نصکره وجود بولورسه بلا سبب

و یا خود سبب خفی ایله حق را جعدر یعنی حق تعالی قادر در که
 مراد ایندیکی وجهله اتی وجوده کنوره و بر کیمسه ضرورت
 نفقه ایچون عیالی ترک ایدوب فرار اینسه حق تعالی انک فرضنی
 و سائر عباداتی قبول اینیه مکریم عیالنه رجوع ایده و عید
 ابق دخی بویله در یعنی قول افتدییسی قیوسندن فرار اینسه
 جمیع طاعانی مر دوده در و بونده بوصفانده اولان اولاده
 و شاکردله و مریدله دخی تنبیه وارد زرا فرار اینسه دخی
 عصیانلری فرار حکمنده در والله الحفیظ و بوندن مفهومدر که
 قوللر الله تعالی نیک هر خصوصده و کبیلری و خلیفه لریدر
 و لکن قول جاننده ضعف حقیقی اولمغله کر کدر که
 اول دخی کارنده اصله رجوع ایدوب الله تعالی بی وکیل ایلیه
 تنکیم قرآنده کلور (فاتحه و کیلا) و بونک نظیری صلوات
 شریفه در یعنی کر چه الله تعالی (صلوا علیه و سلموا تسلیما)
 دیو رسول الله صلی الله تعالی علیه و سلم حقیده تصلیه
 و تسلیم ایله امر ایلدی و لکن امنیک بومعنا ایله قیامدن
 عجز تامی اولمق حسبیه تصلیه و تسلیمده حتی وکیل ایدوب
 (اللهم صل علی سیدنا محمد و علی آل محمد و سلم) دیر و حقیقت
 حمد دخی بویله در که حامد و محمود فی الحقیقه الله تعالی در
 و ثنا دخی بویله در تنکیم کلور (لا احصی ثناء علیک انت
 کما اثبت علی نفسک) و کشی عیالی اضاعت اینمکده قطع رحم
 وارد که عند الله سبب غضب و باعث انقطاع و صلدر
 حتی طلاق و یرمک مشروع الاصل ایکن ابغض مناجاتندر
 انکیچون اکوانده مختار اولان اجتماعدر افتراق دکل بوجهندن

وفات ایدن اولاد اوزرینه و سائر ایچون اغلر و ملائکه دخی
 سنک فرقتک کوروب اغلر و لکن ارواحک اغلمسی بشر کی
 کوز یا شیه دکلدر بلکه حالرینه مناسب اولان وجهله در
 تنکیم قرآنده کلور (فا بکت علیهم السماء و الارض) یعنی
 سما وارض فی الحقیقه اهل ادرا کدن اولمغله اغلر و لکن
 عاصیلرک هلاکنسه اغلر و مرحت قیلر مؤمنه ایسه
 بر حال اوزرینه اولمق کر کدر که وفات ایدکده جمیع اشیا
 ا کا اغلیه و مرحت ایلیه یاسن عیالکه مرحت اینیچک سکا کیم
 مرحت اینسه کر کدر که حدیثده کلور (من لایرحم لایرحم)
 بورادندر که کلبشکه واریشم دیرلر و بومقامده تفاسیرده
 کلور که هر کیم بو دنیاده خلقت کا هارین عفو ایدرسه
 و عفو بتلرندن تجاوز قیلورسه آخرتده دخی الله تعالی اندن
 عفو و تجاوز ایدر و هر کیم بر مدیون معسره بر قاج کون دخی
 مهلت و بررسه الله تعالی دخی ا کا کوره معامله قیلور و هر کیم
 عباد اللهدن حقنی استقصا ایدرسه الله تعالی دخی اندن
 حقنی حبه حبه الور و هر کیم بوامت اوزرینه تشدید ایدرسه
 الله تعالی دخی قیامتده اتی شدتله اخذ ایده و علی هذا یس
 انسانده مکارم اخلاق لازمدر تا که حق تعالی ا کا لطفله
 معامله ایده و بر محله ده اهل صلاح بولنوب وفات اینسه ملائکه
 انک اوزرینه اغلر زرا انک عباد انک انواری اهل محله دن
 منقطعه اولور و ظلمنده قالورلر کر چه سفهاء محله اومقوله لری
 استثقال ایدرلر و وفاتنده اغلر دکل بلکه کوله لرحظ ایدرلر
 اصلی بودر که ارالنده جهت جامعده بوقدر زرا بری صالح

و بری فاسق در پس مسجد و کعبه بر اولدیغی کی انلردخی
 بر کادر وای اول شخصه که آخرتده شفاعتگاه اولنره
 دنیاده خصم اوله وحدیثده کلورکه (لاتضر بوا اماکم
 علی کسراناکم فان لها اجالا کجالکم) یعنی جاریه لریکن
 چناقلریکن و چوملکلریکن و بونلریکن سنه لری قیردقلری
 زمان نیچون قیردیکن دیوانلره اذیت ایتکن زیراسنک اجللریکن
 اولوب حملولنده وفات ایتدیکن کی چناقلریکن دخی عندالله
 آجال مقدره سی وارد که تمام اولدقده بر بهانه ایله منکسر
 اوورلر پس دنیاده درست سنه قالماز عاقبت قیریلور نیکیم
 ملوکدن برینه فیل دیشندن مصنوع و مفضض برقیمتدار
 قدح اهدا اولندقده زیاده مسرور اولیجق مجلسنده حاضر
 اولان حکمدان بری (سرور یوم و غم ابد) دیدی فی الحقیقه
 بر کون اول قدح منکسر اولدی و پادشاه انک غمسنده قالدی
 و بونک نظیر یدرکه رسول الله صلی الله تعالی علیه وسلم
 حضر تلرینک عضباء دیرلر برناقسه لری وارایدی و دأب
 شریفلری بوایدیکه کاهیجه آتلری و دوه لری برسر الهی یه
 بناء قوشدورلر و مقابله ده سابق اولنره مال و برلر ابدی
 بر دفعه اول عضبایی غیرک دوه سی یوکرک چیعوب کچدی
 و غالب کلدی اوراده حضرات اصحاب رضی الله تعالی عنهم
 رسول اللهک دوه سی کری قالدی و کچیلدی دیو محزون
 اولدیلر اول وقتده کلنجه اول دوهنک مسبوق اولوب کبروده
 قالدیغی یوغیدی پس اوراده رسول الله صلی الله تعالی علیه
 وسلم حضر تلری یوردیلر که بر سنه مرفوع اولدی الا

موضوع

موضوع اولدی یعنی هر عالی سنه یه آخریت اولور و الحقه
 دوشر نیکیم اوقده مشاهددر که هوایه اغدقدنصره آخر
 منزل خا که اینر صاقتن ایدی حالکه مغرور اولوب هوالنمه
 زیرامنزلک آخری قیردر اگر خرشیدکی سرنک فلک رابعه یه
 ایرسه ینه سن خاکده برذر سن و اگر بحر مسجور کی هر طرفک
 مالامال اولسه ینه سن برقطره سن و سن داراتله دارا اولسک
 بر کون ینه زبونسن و پهلوانلقده رستم و سهراب اولسک
 بالاخره سرنک و سن ماء مهیندن اولدیغکی نه تیر اوتسک
 و پدرک بولی اولان توبه بی قیوب نه مقوله اصرار یولنی طوتدک
 کل ای غافل خلقه اذیت و ازار ایتکی قوزیرا جمله کز نفس
 واحده دن مخلوق اولمش اقر باسکنز و اجانبدن اولدیغکنز
 صورته ینه اخوان و احبابسکنز و انسانیت پوستنی چیقاروب
 قوردی اولاجقسکنز و کلاب کی جیفه دنیا اوزرینه خردا شوب
 نه یوله چیقده جقسکنز اغلاک شول کون ایچونکه کوزلردن قان
 کله و ایکلک شول موت ایچونکه اولدمده کیمی اغلیه و کیمی کوله
 (لحیره)

ای جهان آرا حالم نیجه اولور پروردکارا حالم نیجه اولور
 اریدی تم از قالدی کونم عجبنا بنم حالم نیجه اولور
 علم کنه د فترم سیاه اللهم الله حالم نیجه اولور
 شرعی کوتدم طاعت ایتدم طوغری کوتدم حالم نیجه اولور
 حق قول اغلر جکرن طاغلر دیک شاهلر بکلر حالم نیجه اولور
 (بیان امامطه الاذی عن الطریق)

و ایمانک شعبه لرنک ادناسی امامطه الاذی عن الطریق یعنی

خلق یولی اوزرنده هروره مانع و یا موجب زحمت اولان
نسنه لی ازاله ایتدیکدر طاش و دیکن و امثالی کبی اولان
اشته ایمانک شعبه لی سکسان قدر معدود ولکن بزبون تحفه ده
برقاجنی ابرادله اکتفا ایتدیک ماعداسی غیری آثار مزده در
یوری ایمدی خلقک یولندن دکنی قالدردمغه سعی ایله یوخسه
یولارینه قیوقازمه و دکن صاچه ز پرا عاقبتنده پنه سن ضرر
چکر سن و برنسنه معصبت اولدقدنص کره ازایسه دخی
تحقیر ایتد بلکه انده غضب الله اوله خصوصاً که صغیره کبیره نک
وسيله سیدر و کبیره دخی اکبر الکبائر اولان کفره مؤیدر
و برنسنه دخی که طاعت قیلندندر قلیل ایسه ده خور کورمیه
بلکه رضاء الله انده اوله ز پرا کذر ایتدیکدی اوزره بریوادن
برطاش و یاردیکن رفع ایتسک و یا چاموری دفع ایچون قالدردم
یا پدرسن یونلر ایمان یابندن اولیجق مقابله سنده ثواب دخی
واردر ز پرا ثمرات ایمان بلا ثواب اولماز پس برطاشی و یاردیکنی
الله تعالی رضا ایچون یولدن قالدیروب ثوابنی اناک و باباک
جائنه هبه ایتسک انلر اول عملک ثوابی ایله منتفع اولورل سائر
اعمال کا قیاس اوانه محکیمدر که برکیمه هر جمعه کونی
کسبنی والدینی جانلرینه هبه ایدردی بر جمعه کسب ایده مدی
واردی او مقابله ده یول کازندن برقاج قاوون و قارپوز
دوشوروب و یویوب پاک ایدوب برمر که طوغرایوب یدردی
او کیجه والدینی واقعه سنده دیدیلر که اوغل چوقدن جانم
قاوون و قارپوز استردی هله کلدی واصل اولدی دیواخبار
ایلدیلر و یوندن معلوم اولدیکه هر عمل صالحک ثوابی روح

مین واصل اولور مکر که افعاله متعلق اولان برلرده ریا
و سمعه اوله و یا امواله دائر اولان ماده لرده شبهه یولنه
و یا خبیث الاصل اولدیغی مقطوع اوله و یا خود طعامه
غیرک نظری تعلق ایله واندن طایفه ز پرا بومقوله صورتلرده
صدقه و غیرک ثوابی اولماز خصوصاً که برکیمه برطاشی
برکوزلوک قارشوسنده اکل ایدوب اکا طاندردمغه درمانسن
درده اوغرایه وار ایمدی حاملرده و غیری موضعلرده خلقک
نظرند طعمام اکل ایدنلرک حاللرینی فهم ایله واسی برلرده
قاوون و قارپوز یینلرک و صفوق شربت ایچنلرک جهالتلرینی
تفکر قیل ز پرا بومقوله ایشلری ایشیلر علما ایسه ده جهلادر
شول معنادنکه عالم علمی ایله عمل ایده نه دیرلر والا عالم دینک
تسمیه مجرده قیلندن اولور علماء زمانه و مشایخ دخی یونلرده
داخلدر نیکیم علامه شیرازیدن سؤال ایدوب قرأ نده مشایخک
ذکری وار میدر دید کلرنده (هل یستوی الذین یعلمون
والذین لا یعلمون) آیتن اوقیوب لایعلمون ایله مراد انلردر
دیددی و حقیقت علم اودر که قطعی اوله پس بر وقتنده
بعض شهادت ایله زائل اولان علمه علم دیمزلر و کشف دخی
یویله در که کشف خیالی به اعتبار یوقدر بلکه معتبر اولان
کشف صریح قلبیدر و صوفیه طائفه سندن داخل دائره
کشف اولنلرک اکثری کشف خیالیده قالمشلردر بو جهتدن
ایمان و کفری بری برینه قارشیدروب ضال و مضل اولمقدن
خالی د کلردر بومقوله ضعفانک حاللری ایمانلری ضعیف
اولمغه محمولدر ز پرا ضعف اوزرینه مبنی اولان دخی ضعیفدر

پس شعب ایمانله عمل ایدوب ایمانی تقویت ایتک کر کدر زیر
 شمع ضعیف از اجق یلدن سویندیکی کبی ایمان ضعیف دخی
 شی قایلدن منطقی اولور نتکیم دیمشدر درع (خود چه باشد
 قوت تقلید عام) یعنی عام ناسک تقلیدی ضعیفدر و دینده
 قوتی بو قدر شویله که بو کون معاذ الله دجال خروج ایلسه
 و یا انک حکمنده بر مضل ظهور ایتسه حل ایمانی اوزر لر
 و کنیدلرینه مذهبسن لکدن اوز که مذهب دوزر لر واکر
 بر کیمسه ایمان ثباتی استرسه صباح نمازینک سنتیله فرضی
 اراسنده بو دعایی اوج کره اوقیه (اللهم یارب یاحی یا قیوم
 یا بدیع السموات والارض یا ذا الجلال والاكرام یا من لا اله الا انت
 سبحانک انی كنت من الظالمین اسألك ان تحیی قلبی بنور معرفتک
 بومعرفتدن مراد الله تعالینک ذات وصفات و افعالی اهل
 سنت و جماعتک بیلد کیری کبی بیلد کدر لکن اهل ظاهرک
 حالی و اعتقادی علم کلامده مبین و مفصلدر اهل باطن دخی
 بو حال و اعتقاد اوزرینه در و لکن انلرک ذوق و وجدانلری
 حسبیلله باشقه حاللری دخی وار در که کتب تصوفده
 مشروحدرو بر کیمسه نک وصبت تعلق ایده جک اصلا مالی
 اولسه ینه مرضی حالنده حاضر اولنلرک یا نلرنده شریعت
 و طریقت و معرفت و حقیقتده اهل سنت و الجماعت مذهبی
 اوزرینه یم دنیا و آخرتده بویله شهادت ایده سز دیو وصبت
 ایلیه تا که غیر یلر انک دینده نه حالده اولدیغن بیلر و حسن
 حالنه شهادت ایلایسه لر زیر مؤمنلرک شهادتلری عند الله
 مقبولدر نتکیم حدیثده کلور (انتم شهداء الله فی الارض)

و مؤمنه کر کدر که اوشاقلرینه تعلیم ایدوب بویله دیکه
 (الله ربی و محمد نبی و الاسلام دینی و الکعبة قبلتی و المؤمنون
 اخوانی و مذهب اهل السنة و الجماعة مذهبی و ابو حنیفه
 النعمان بن ثابت الکوفی صاحب مذهبی) و بوعهد نامه بی
 صبا حده و اخشامده بر کره اوقیه که بودر (اللهم فاطر
 السموات والارض عالم الغیب والشهادة انی اعهد الیک
 بانی اشهد ان لا اله الا انت وحدک لا شریک لک وان محمدا
 عبدک و رسولک وانک ان تکلنی الی نفسی تقربی من الشر
 و تباعدنی من الخیر و انی لا اثق الا برحمتک فاجعل لی عندک
 عهدا توفینیه یوم القیمه انک لا تخلف الميعاد) بر کیمسه بوعهد
 نامه ینه هر صباح و هر اخشام ملازمت ایلسه عهدینک اوزرینه
 مهر اور یلوب عرش الله وضع اولنور و قیامتده ندا کلوب
 قنی الله تعالی ایله عهدی اولنلر کلسونلر جنته کیرسونلر دیدلر
 و بوعهد نامه خصوصنده فقها و محدثون اتفاق اوزرنده در
 حتی فقها دیمشدر در که مذکور عهد نامه بی کفتک صدری
 یعنی صاغ کو کسی اوزرینه یازسه لر میت قبرده اندن منتفع
 اوله و منکر و نکیر الندن سهولتله قورتلله و میتک الله بسمله
 یاز لمقده دخی فائده عظیمه وار در اگر الله اولمزه باری
 کفتدن النی محلنه کتابت اولنه و زمزم ملوکفن و سائر تبرکه صالح
 اولان اشیا دخی اکا قیاس اولنه سؤال اولنوزسه که مؤمنده
 حال قلب کر کدر و الا ظاهرده آثارک فائده سی ندر جواب
 بودر که مؤمن دین اسلامده نقدر ضعیف الیقین اولسه
 ینه اعتقاددن خالی د کدر بلکه بعض امیلرک ایمانی علمادن

قوبدر زیرا امیر (علیکم بدین العجائز) وفقی اوزره عامه نک
اعتقادری اوزره اعتقاد ایتشدر در واعتقاد لرندن دکه حالله
دوغلر علما ایسه دالدن داله قونارلر و آخر انلرده دین عجائزه
ودین عبید و اماء ورنجبرانه و امثالنه کلورلر تنکیم تفسیر کبیر
صاحبی فخرالدین الرازی و خاتمه المتکلمین محمد شهر ستایندن
و امثالندن منقولدر پس اعتقادنده راسخ اولان مؤمنک عملی
قلیل و ضعیف دخی اولسه قبرده ملکیکن انک الننده و کفنده
اولان خطیه نظر ایدوب تعظیم ایدرلر و اول معنایی دینده
کالنه حل ایدرلر تنکیم وارد اولمشدر که (نحن نوحکم بالظاهر)
(والله يتولى السرائر) و حق تعالی ستار اولدیغی جهتندن
مؤمنک باطنده اولان حالی ستر ایدوب عفو و مغفرتی ظاهره
بنالیدر مکر که اول کیمسه منافی و یا منافق صفاتلو اوله
و فرق ضاله ظاهرده اکفار اولمزسه لر دخی مفرط لرینک حالی
عند الله یماندر یزید و حجاج ظالم و تیمور انک و امثالی دخی
انلره ملحقدر زیر یزید و حجاج کرچه اهل سنتدن یکنورلر دی
لکن تصدی اید کلری افعال فاحشه کفرارینه نشان اولدی
و تیمور انک مباشر فواحش اولدیغندن ما عدا مذهبده دخی
شیعیدر حتی علامه نفتازانیده بیله آنک رایحه سی وارد در زیرا
اول وقتک فضلاسندن اولمغله تیمور دن احترازا و یا دواته
اقبالدن خیلی مساعده لر ایتشدر تنکیم تمثیلده (رکب علی
وهرب معاویه) دیدیکی اکا دال و یزید حقنده (لعنة الله علیه
و علی اعوانه و انصاره) دیدیکی اکا شاهددر اکر بوسوزلری
واقعی بیان ایچون سویلمش اولسه فی الجمله مسلمدر ولکن

خاطر ایچون سویلمدیکی روشندر غرض نفسی قو طوغری
سویله و مؤمنه کر کدر که هر صباح و هر اخشام سید الاستغفاری
دلندن قومیه که بودر (اللهم انت ربی لا اله الا انت خلقتنی وانا
عبدک وانا علی عهدک ووعدک ما استطعت اعوذ بک من شر
ما صنعت ابوء لك بنعمتك علی و ابوء بذنبي فاغفر لي فانه لا يغفر
الذنوب الا انت) بر کیمسه بو استغفاری صباح دیسه و اول کون
وفات ایسه و یا خود اخشام سو یلسه اول کیمجه انتقال ایلسه
جنته داخل اوله کلام مذکورده ابوء کله سی ارجع معناسنه در
ولکن نعمته رجوعک معناسی نعمتک حقندن اولدیغنه اعتراف
ایدوب شکرله منعمه دوغمددر و ذنبله رجوع ایتک اعتراف
و استغفارله در پس دیمکدر که (یارب نعمت سنکدر وسندن
کمشدر و کاه بنمدر و بندن اولمشدر تنکیم ابوالبشر علیه السلامدن
بطریق الحکایه کلور (ربنا ظلمنا انفسنا وان لم تغفر لنا)
(لمحرره)

ایدوب جرمی دیدی آدم ظلمنا
که یعنی بو خطیئه بندن اولدی

طریق جبره سالک اولدی ابلیس

نه اولدیسه دیدی هب سندن اولدی

و بود عایی دخی شب و روز دیمک کر کدر که بودر (اللهم انی
اعوذ بک من ان اشرك بک شئاً وانا اعلم واستغفرک لما لا اعلم
انک انت علام الغیوب) و بوندن مفهومدر که انساندن
برکاهک صدوری جز ما معلوم اولسه توبه و استغفار لازم
کلور و اکر اول کاه کفر ایسه تجدید ایمان و نکاح اقتضا ایدر

بوصورتده مهر اول اوزرینه اد فی الامر اون درهم کوش
زیاده وضع اولنور واکراول کاه کفر مقوله سندن دکل ایسه
یالکرتوبه لازم کلور واکر خطا ایتدیکنی بیلرسه مجهول
اوزرینه توبه صحیحدر شوقدر وار در که ظن غالبی اولمچق
تجدید نکاح اتمز والا تجدیدی تأکید بایندن اولور که
مهر زائده محتاج اولماز و بومقوله برارده وهمه دوشوب
تأکید حاجت یوقدر نیکیم دیمشدر در که نمازد نصکره نماز
وصلحدن نصکره بردخی صلح یوقدر پس ضرورت قویه
اولمدجه نکاح اوزرینه دخی نکاح یوقدر و کرمانی شرحنده
کلور که بر کیمسه نکاحده یقین اوزرینه اولسه شکله یقینی
زائل اولماز آبدست وامثالی دخی بویله درولکن توبه وتجید
نکاحده طریق احتیاطه سالک اولنلرک مال امری بودر که
نکاحده مسامحه اولنسه بلکه اصل صحیح اولمچق اول اناده
طوغان اولاد فاسد اولور یعنی شرعا درجه قبوله مانع
اولورسه دخی حقیقه مرتبه ولایت ایشمز زیرا ولد زناتک
اولیادن اولمدیغی عند اهل الحقایق اتفاقدر وحیدشده
کلور که (ولد ازانیة شرالثلة) یعنی ولد زنی زانی ومرتبه دن
بتردر زیرا ایکبسنک فحشی انده مجتهدر بو جهندن بعض
اهل الله بن والده مک ابتدا اوغلویم دیواختنار ایتشدر زیرا
اروعورت ابتدا حالرنده حیا و پرهیز اوزرینه اولوب لسانلرن
وجوارحن حفظ اتمک غالبدر اما بری برلرینک یانلرنده
پرده لری برتلد قد نصکره قوللرندن و فعللرندن بحسب الغالب
چوق فحشیات و کفریات صادر اولور وحیدشده کلور

(ولدت من نکاح لا من سفاح) یعنی اهل جاهلیتک نکاحی
صحیحدر که نبوته و ولایت مانع دکادر بلکه مانع اولان زنادر
واول زمانلرده کثرت زنادن ناشی اولادده اشیاه اولمغله زنایی
سلب ایلد یلر و اهل طریقت دخی بویله در یعنی شول
کیمسه نک که سلوکی جهندن نسب صحیحی یوقدر بلکه
سلسله صحیحده دن منقطع وهوی و شهوتی غالب اولان کیمسه یه
منصلدر اول کیمسه مقام حقیقه دکل بلکه درجه
معرفته ایشمز و معارف شیطانیه اولور کل ایمدی
پاک اولایم دیر ایسک پاک اتادن تربیه بول و صالحه اتایه
رضیع اول تا که سندن دخی اولاد صلحا وجود بوله
وذریتمک باقی قله وحیدشده کلور که (الرضاع بغیر الطباع)
(المحرره)

حقه واصل اولمغه برمرشد کامل دله
نا ایرنجسه منزله ویر جنبشی اسب دله
آتش عشق ایچره یانوب یاقلوب اولمز کباب
دلیمان بغرین مقدم خنجر تو حید ایلله
دوغمه وارقبه نما کی یوری صاغ وصوله
کعبه یه طوغری توجه ایلله زاد دردله
بنجه کبر عاشق اولوق نیجه ممکن زاهده
باشه چیقمق اوله می دهر ایچره برزن مردله
فتح باب اولوق درسک واری بذل ایت حقیقا
چون درجنت ییلورسن آچلور جو مردله

و اسباب کمال ایمانند که مدار جمعه و جماعت اولان شهر لده
 ساکن اوله زیر احداث کور (ایاکم والکفور فان ساکنی
 الکفور ساکنو القبور) کفور ضمه کفرک جمعیدر فتحله که
 قریه معناسنه در یعنی جمعه و جماعتدن بعید اولان قریه لده
 و علم حال بلنددن دور اولان طاع باشند و اقطار ارضه
 ساکن اولان قبرده ساکن اولان میت کبیدر که علم و عمل
 تحصیلدن خالی و ذکرله حاصل اولان حیاتدن معطلدر
 کویا که قریه ده اوتور دیخی خانه سی قبری و کندی میت
 و اوزرینه کبیدیکی لباسی کفندر و ادریس علیه السلامدن
 منقولدر که انسانک ساکن اولدیخی یرده بش نسنه کر کدر
 بری عالمدر که علم حالی اندن اوکرنه و بری قاضیدر که خصوصاتی
 قطع ایلیم و بری والیدر که ولایتی سیاسنه ضبط ایلیم
 و بری طیبیدر که خسته لره معالجه قیلر زیر طاعات و عبادات
 صحت بدنه موقوفدر و بری دخی نهر جاریدر که انسان انکله
 حیات بوله و حیوانات و اراضی اندن قانه و ناپاک اولان نسنه ل
 انکله تطهیر اولنه سؤال اولورسه که بعض اهل الله طاع
 باشلرینی اختیار ایتشلر و دریا کنارنده مغاره لده قالمش ل
 و قریه لده مکان طومشلردر جواب بودر که اهل الله
 فی الحقیقه اودر که هم قالی و هم حالی بوله و بو ایکبسی
 بولندقد نصکره هر زده ساکن اولورسه اکا طاع اوستی
 باغدر و قریه لره شهردر خصوصاً که بومقوله زمان اختلالده
 تنکیم حدیثده کور که آخر زمانده خلقک خیر لیبسی فرسنگ
 بولارندن طوتوب غزالیدن و اهل رباط اولان و یا خود وجه

معاش ایچون برقاج قیون اتخاذا یدوب طاع باشند قلاندر
 خصوصاً که اهل حال کیمسه برقریه ده ساکن اولسه
 اول قریه انک برکاتیلر شهرستان اولور تنکیم وارد اولمشدر که
 (علیکم بالسواد الاعظم) وینه کور که (السواد الاعظم هو
 الواحد علی الحق) یعنی برکیمسه اهل حق اولسه و حق
 اوزرینه ثبات و استقامت بولسه اول کیمسه سواد اعظمدر یعنی
 واحد کالف دید کلریدر که وحدتی کثرت حکمنده و مسکنی
 بلده عظیم پایه سنده در پس بوندن معلوم اولدی که علما
 اولان یره قریه دنلر کر چه قریه ایسه ده خصوصاً که عالم
 بالله و عارف بحقایق الله اوله شو قدر وارددر که وزیر کسری دن
 منقول اولدیخی اوزره بش نسنه ضایعدر اولکبسی یغوردر که
 شوره زاره یعنی چوراق و طوزلو یره دوشه زیر اوت بتور من
 شول جهتدنکه محل قابل دکلدر انکیچون قدرت الهیه محال
 و ممکنه تعلق ایتز پس مانع محله در بو خسه قدرده دکلدر
 و نیجه اشیا ناقص اولق دخی بو باینددر و برنسنه نک نقصانی
 دخی حقل کالنه دلالت ایدر زیر هر صانع صنعنک کامل
 اولدیغن استر پس نقصان اوزرینه اولدیخی صانعک عجزنددر
 حق تعالیه ایسه عجز و ضعف و غیره نقصان صفتلری یوقدر
 جام فیضی ساقیا نادان الینه صونمه کیم
 شربت شهدی نه بلسون غالب الصفر اولان

کر چه یوقدر مشرب پاکنده بارانک کلام
 هیچ قبول ایلرمی آنی صخره صما اولان
 ایکنجبسی ضوء شمس قار شو مشتعل اولان سراجدر

یعنی شول شمع که کوندز کونشه قارشو بنار ضایع در
زیرا کونشک نوری اگا غالب اولمغه له یا غمی عبت
واسراف اولور اشته قویله یاننده ضعیفله دخی بویله در
(لحرره)

حسن یوسف واریکن یاغیری بادایتمکندن
پیش اندام اوله مزه پهلوزن نازک بدن

شعله چشم عجزایله برابری سراج
برمی اعمی ایله نور وظلمتی تشخیص ایدن
اوچنجیسی اعمی یاننده امرأه حسنا در یعنی برامی نک که
زنی خو بروی اوله اول خاتون انک یاننده ضایعه در زیر
کاشن جانندن کلچین اولمغه دیده نکرانی بوق و بلبلان
حسنک بویوزدن دردی یک چوقدر

طونه لم غنجه کلک قرمزیدر رخساری
کوزک باغده سیر ایلمکه آثاری
برکوزل بوزلویه آج کوزلریکی کیم انک
فیض عشقی طاشه دلدن اوله جسمه ساری
دردنجیسی مریض یاننده طعام لذیذ در زیر انحراف مزاج
واختلال طبایعدن فی المثل شکر شربتی زهر کلور و طعام لذیذ
مر المذاق اولور
(لحرره)

جکک بونی المی دله مزخسته جکر
قان بودر جیرایسه لحم مهرابی اگر

کرم قفل اوله یا اوله معتبر نعمت
صاغدن غیری انک بونی الوری مکر

بشجیسی

بشجیسی رجل عاقل و عالمدر که قدرنی بیلز کمسه لار استنده
بولنه اشته بودخی ضایع در بویسه اکثر باقریه له و کار
برله کوره در غرائب اخبارده ایراد اولمش و دفاتر محاضرانده
بولمشدر که بر زمان برعجزک الله برطوغان کیرر کورر که
بورنی و طرنقلری اوزامشدر نجب سنک طرنقلریکی
چوقدن کسمه شلردیو همان بر مقراض آلوب بورنی
و طرنقلریکی کسوب طوغانی طوغدیغنه پشیمان ایدر
و بوندندر که چققی الله کیرمش طوغانه دوندردیلر دیرلر
(لحرره)

بو مثل مشهور در نادان بیتاز جوهری

جوهری صراف وزر کرفهم ایدر قدرزری
وقهستانی نام کا بده کلور که بر طالبکه طلب علم زماننده
تقوی اوزرینه اولسه بلکه زمانه نک خلیع العذارلی کبی
استدیک مرعاده اولسه الله تعالی اوج نسنه نک بریله
مبتلی ایدر بری بودر که جوان عمرنه طویمز و ایام جوانی بده
دنپادن کوز بوموب آخرته طوغری آچیلور کیدر
اولدن بو چن دهرده بر دم کلچین
چنبر چرخ قبلور قامت بالاسن چین

کسر ایدر دست فلك کاسه جسمین باقر
کرا طافتد باقلسه اوله چون صنعت چین
و بری دخی اهل قریه ایله ابتلادر که ایکی ضد بری بریله
امتزاج ایتدیکی کبی شهری و قروی دخی بریره کلز والا
شهری بحکم الجوار اهل قریه نک خشونت طبع و غلظت

اختلاف بن آدم الور و آخر گلستان حالی خارستان اولور
دستگیر حق اولور سه قریه دن ال ایغی
چیق او حیوانات ایچیندن آدمه دون بایغی

سلطان سکرده تره یاغی ایله کر کوپده
آتش غمده ارید رسن بنه آخر یاغی
او چنجیسی سلطان ایله صحبتدر حتی دیمش لردر که بوابتلا
اول کشیلردن بتردر نتکیم مشهوردر که شیخ عطار کلامنده
کلور (قرب سلطان آتش سوزان بود) و دیمش لردر که
(لا وفاء للملوك) یعنی ارباب دولت و سلطنتک وفاسی یوقدر
و بودنیس برکون عطارک و برکون بیطارک اولدیغی کی ایام
انسان دخی برکون له و برکون علیه اولور فیومانساء و یومانسر
خصوصا که مخاطره لی صحبتلره دخول ایتمه نك فائده سی
ضررینه دکر پس نان خشکله قناعت اولی و لذائذ متر فیه دن
اعراض اقوادر بو فقیرک شیخی سید الاقطاب الشیخ عثمان
الفضلی الالهی صاحب التصانف الرائقة والتوالیف الفائقة
قدس الله سره بطریق الکشف الصحیح علم اکسیره مالک
حتی برجه کون استانبولده سلطان سلیم جامعی کورسبسنده
بش اون بیک آدم ایچنده تصریح ایدوب الله تعالی بکا بر علم
ویرمشدر که مراد اینسم عثمانلینک آنلری نعلارن کومش لردم
ولکن انلر انسانه قیابلر دیدی اول وقتنده ایسه خزائن زیاده
مضایقه واریدی واسیللا کفاردن حال دیگر کون و سالیانه
ومصادر اندر عایاغا یتده زبون ایدی صکره رجال دولته عکس
ایدوب بو معنایی شیخدن تفحص ایلد کارنده بنم مرادم قناعت

کیما سیدر د بود دفع ایتدی و شیخک علم اکسیره تحریر ایتدی کی
کتابی مشهوردر و لکن بو علم غریب انکله بیله آخرته کتیدی
زیرا او آخر عمرنده بعض اهل هوی ایمانسزلر لندن استانبولده
قرار ایدمه میوب دیار غربتده یعنی قبرسده ماغوسه نام قلعه ده
آخرته انتق سال ایلدی و کیمسه به تعلیم ایتک میسر اولدی
بوفساد بن دخی سیاح اولوب شیخیم کی
شام و شرقی چون فلک دور ایلدم پنجاه سال

پندن الدی ترکی ابراهیم ادهم معنیده
کرچه چوقدر اهل تجرید ایچره انواع خصال
اسکداری دار قیلدم کندیجه آخر دی
دملرم فرقتده کچدی بلزم هرگز وصال

یا الهی قلزم حیرتده غرقایم یتر
زورق و جان و دلم آخر کار و صله وصال
شیخ اسمعیل حتی به نه امرایته دک ایسه
دیمدی بیرم نبه فرمانه ایتدی امثال

و کیمیان مراد فی الحقیقه نفس اماره نك نحاس کی
اولان اخلاق ذمیه سن تبدیل و روح روانک ذهب مثال
اولان اوصاف حیده سنه تحویلدر زیر جوهر ذات
استحاله ایتزسه دخی صبغ انوارله کشف لطافت
و کیفیات فائیه ملکات باقیه به دوز و عالم وجود حقیقیدن
ستر وجود مجازی ایچون بعض خواص اینز چونکه کفر
طاغوت نهایت بولور ایمان دخی کامل اولور
(المحرره)

کل ابدی کل او کفری دقتیله طوته کور ابد
 اودر زبرا اودر جبل متینی دین و ایمانک
 اکر یاقز سک اوصاف مسی اولماز زرا بریز
 مسمی بر در اما مختلف در حکمی اسمانک
 تعین پرده سن چشم بصیرتدن ازاله قیل
 دکل بر ذوالبصر له اسمی ورسمی چونکه اعمالک
 کمی نهد و کمی جدول جکر بستانه زبرا
 که چایه قطره سی طاشقون کلو بدر فیض عمارک
 سکا رمز ابتدی حق حکمتیله علم اکسیری
 یوری ماء الهی ایچ کلمه تاجانه درمانک
 اشته بوتحفه خلایقه اسکدارده ایام معدوده یاز یابوب تمام
 اولدی و شرایع و حقایقندن درونی صدف وار مرواریدایله
 طولدی و قلم مسح اولنوب قلمدانه قوندی و اطراف دهان
 دوات مداد سیاهدن یوندی نتکیم دیمشله در غایه کل تحریک
 سکون و نهایت کل متکون ان لایکون و تمامی بیک یوزاوتوز
 اوچنجی شهر محرمک در دنجی یوم ثلاثک عصر نده واقع اولدی
 (المحرره)

یا الهی آخره ایرشدی دم
 خاکه صالدم یو وجودم ذره سن
 رحمتکله سن بکا همراه اول
 کر کاهم سد اولور سه بولم
 حق قان اغلر کوزندن آه آه
 ایلدم یتیم بره وضع قدم
 نیلیم شمعنکر و یلم نیدم
 شول زمانکم قبره عزیم راه ایدم
 یلمزم حیرت ایله قنده کیدم
 جاتی یا قشدر در نارندم

والحمد

والحمد لله تعالى على نعمائه الوافره والشكر له على آلائه
 المتواتره والصلاة والسلام على سيد
 الكائنات وآله وصحبه خير
 البريات

قد تم طبع هذه الرسالة المسماة بالخليليه المنسوبة الى قدوة
 المرشدين وعمدة العارفين المشتهر باسمعيل حقى امدته الله
 تعالى بلطفه الجلى والخفى يدار الطباعة العامره بنظارة
 العبد الفقير الى الرب الذى آلاؤه عمت محمد اسعد صفوت
 ومصادف ختام طبعه او اسط شهر ربيع الآخر
 لسنة ست وخسين ومائتين
 والف

